





萬病回春目錄

第集卷之二

中風イウフ 傷寒キヤウカン 附傷風ヒウフウ 二十七

中寒チウカン 四十八 瘟疫ウキ 五十一 中暑チュウ 五十六

中濕チュウシツ 六十一 火證カヒ 六十三 內傷ナイキヤウ 六十六

飲食インシキ 七十四 鬱證ウツシヤウ 八十一 痰飲タンイン 八十三

咳嗽ガイサウ 九十六 喘急センキウ 百三 哮喘カウカウ 百五

萬病回春卷二目錄終



新刊萬病回春卷之二

弟集

太醫院醫官金谿雲林龔廷賢于才

編輯

門人

醫官同邑胡廷訓

慈谿羅國望

弟醫官廷器

姪慈官同校

金陵書坊對峰周曰校刊行

中風

脈中風浮吉滑王痰氣其或沉滑勿以

風治或浮或沉而微而虛扶危治痰

風未可踈浮遲者吉急疾者殂

真中風證

中風者有真中風有類中風之分真中

風者中時卒倒皆因體氣虛弱榮衛失調或喜怒憂思悲驚恐或澤色勞力所傷以致真氣耗散痰理不密風邪乘虛而入乃其中也有中腑中臟中血氣虛血虛之不同因而治法有異也大抵中腑者可治中臟者難醫有不治之證

凡口開手撒眼合遺尿吐沫流視喉如齶肉脫筋骨痛髮直搖頭上露面赤如汗汗綴如珠痰喘作聲皆不治也若動止及腹痛是無血滋筋故痛曰筋枯不治

凡卒中昏倒不醒人事牙關緊急者此中風痰也宜後方

先川通關散吹鼻次用吐法吐後未醒急灸百會人中頰車合谷即服導痰湯或攝生飲候稍醒其氣未盡順痰未盡除惟當服藿香正氣散加南星木香防風當歸一二劑然後視其中某症則當以某方治之慎毋膠柱而鼓瑟也

通關散 治中風痰厥昏迷卒倒不省人事欲絕者

牙皂 兩
生半夏 各五錢
細辛 各二錢
藜蘆 各五錢

右為末每用少許吹入鼻內候有嚏可治無嚏不可治

秘方 治諸同前

用色豆去殼紙包槌油去豆不用用
紙燃作條送入鼻內或加牙皂末尤
良或用前紙條燒煙薰入鼻內亦可
○回生丹 海陽王長登亭傳治中風
痰厥不省人事

葱管藜蘆二兩用河水一桶煮為汁
青蒙石二兩火煨通紅投入汁內如
此數次瀝淨將雄猪膽十箇取汁攪
前汁內再用重湯煮成膏候溫入粘
腦末一錢五分裝入磁罐內黃蠟封
口每用黃豆一大粒新汲水化開男
左女右鼻孔灌進其痰自此若牙關
緊不能吐將口揆開其痰得出在下
別藥

○秘方 治中風口噤痰厥不省人事
用桐油鷄翎蘸掃入喉中吐痰即活

○一方用膽礬一分為末溫黃酒調
下以吐痰為度○一方用辰砂白礬
等分三伏內裝入猪膽內透風處陰
乾每用一塊涼水研化灌下○一方
用皂角末五分半夏末三分為一劑
薑汁調服探吐後服加減道痰湯

○加減導痰湯 治中風痰涎壅盛不
能言語牙關緊急有執者宜此

南星 半夏 陳皮 枳實 白朮 黃連 人參
桔梗 蘇枳 瓜蒌仁 蘇合香 白礬 蘇合香 白礬 蘇合香

當歸 酒洗 木香 各五 甘草 二爪

右剉一劑生薑三片水煎臨服入竹

瀝薑升同服

○攝生飲 治一切卒中不論中風中

寒中暑中濕及痰厥氣厥之類小兒

人事初作即用此方無熱者用此

南星 麩紙 半夏 木香 各一錢 細辛

蒼朮 石菖蒲 甘草 各一錢

右剉一劑生薑七片水煎溫服痰盛

加全蝎炙一枚仍先用通關散搐鼻

若牙緊者用烏梅肉揉和南星細辛

未以中指蘸藥擦牙自開

○烏藥順氣散 治男婦一切風氣攻

注四肢骨節疼痛肢體麻木手足癱

瘓言語蹇澀流涎拘攣宜先服此藥

疎通氣道然後進以風藥蓋治風先

理氣順氣則痰消徐理其風庶可收

効理氣者氣滯氣鬱肩膊麻痛之類

此七情也皆宜服之

烏藥 陳皮 各二 麻黃 川芎

白芷 桔梗 枳殼 各一錢

僵蠶 乾薑 炮五 甘草 各二

右剉一劑生薑三片棗一枚水煎溫

服○中風一身俱麻加入參白朮當

歸川芎麥門冬○久患左癱右瘓去

麻黃加天麻防風羌活半夏南星水

香當歸○和眼啗斜加薑炒黃連羌

活防風煎芥竹瀝薑汁○遍身疼痛
 加當歸官桂乳香沒藥○臂痛加羌
 活防風薄荷桂蒼朮此系蘇○背心痛合
 行氣香蘇散加蒼朮半夏茯苓○脚
 膝浮腫加牛膝獨活五加皮○腰痛
 加牛膝杜仲角面○眼眩加細辛細
 茶○四皮冷痺加附子宮桂○癱瘓
 二三平不能行者合和獨活奇生湯
 ○婦人血風加防風薄荷荆芥○胸
 膈脹滿加枳實莪朮○虛汗去麻黃
 加黃芪○中風面目十指俱麻乃氣
 虛也用補中益氣湯加木香附子羌
 活防風烏藥麥門冬

加五色惡風寒為在表也 歸後於

○疎風湯 治風中在腑惡風寒拘急

不用先用此解表後用愈風湯調理

當歸 川芎 白茯苓 上各皮

陳皮 半夏 薑製 烏藥 香附

白芷 羌活 防風 各八

細辛 桂枝 甘草 各三

右剉一劑生薑三片水煎服

風中臟者多滯丸竅唇緩失音耳聾

塞目昏一便閉澀為在裏也 宜後立

其半身不遂口眼喎斜語言蹇澀或

癱瘓不伸或舌強不語痰涎壅盛不

省人事牙關緊急此皆中臟也若大

便閉結者先服滋潤湯後服愈風湯

調理

○滋潤湯

治風中在臟大便閉結

當歸

生地黃

枳殼 去穢

厚朴 去皮

檳榔

大黃

火蘇仁

杏仁 去皮各一錢

卷活

紅花 七分

右剉一劑水煎空心

溫服○如元氣

虛弱用蜜酒法道

風中臟腑俱病者藥必兼用先表而後

通也然後服愈風湯調理

○愈風湯

治一切風證卒中初中

腑中臟及臟腑俱中已已數者先宜

本病藥治之後用此方調理

人參 去蘆

白朮 去蘆

白芍 酒炒

當歸 酒洗各一錢二分

川芎 八分

白茯苓 去皮

陳皮

半夏 薑製各一錢

枳實 麸炒

防風

羌活 各七

甘草 三分

右剉一劑生薑二片棗一枚水煎

臥入竹瀝薑汁磨水香調服

風中血脈者外無六經之形證內無便

溺之阻膈肢不能舉口不能言為在

中也

○養榮湯

治風中血脈四肢不舉口

不能言及痰迷心竅不省人事舌強

不能言語痰涎壅盛口眼喎斜半身

不遂

當歸

川芎

白芍 酒炒

生地黃

麥門冬 去心

遠志 其草水 膏蒲

陳皮

烏藥

白茯苓

枳實

麩炒

半夏

煎水 浸

南星

同

黃連

薑汁

防風

卷活

泰朮

甘草

各等

右剉劑生薑三片 竹茹一團 水煎服

為丸服亦可 本日本煎入童便

風中經絡者則印眼喎斜也 宜後方

○清痰順氣湯 治口眼喎斜

南星

薑製

貝母

陳皮

蒼朮

米泔

防風

荆芥

黃芩

酒炒

黃連

甘草

右剉生薑三片 水煎服入木香

香木各五分 同服

○青龍散 治男子諸風口眼喎斜

癱右瘓半身不遂 語言蹇澀 口流涎

水及婦人產後諸風 小兒急慢驚風

金治

川烏

南星

官粉

半夏

蠟蚕

熟地黃

草烏

蚯蚓

川芎

白附子

各二錢

白芷

右俱生用火上隔紙微炒為細末 每

服二分或六釐 小兒用一釐 初服有

汗再服無汗臨臥黃酒調下 如前症

候先服烏藥順氣散不可見風或色

欲厚味一月其病可愈

○一方外用白鱗一條裝入竹管內尾

上用鐵深刺出血攤絹帛上乘熱
貼在病人如歪向左貼右邊歪向右
貼左邊立時即正正即洗去神效
左半身不遂手足癱瘓者屬血虛與死
血也 宜後左

○加減潤燥湯 治中風左半身不遂
手足癱瘓及語言費力呵欠噴嚏面
目口眼喎斜寬弛頭目眩暈痰火熾
盛筋骨時痛頭或痛心悸

- 當歸 一錢 川芎 白朮 去蘆
- 白茯苓 去皮 南星 薑汁 半夏 薑汁
- 天麻 各一錢 白芍 酒炒 陳皮 洗 木
- 生地黃 酒炒 熟地黃 薑汁 酸棗仁 炒
- 黃芩 酒炒 牛膝 去蘆 酒洗 薄桂

桃仁 去皮 卷活 防風 各六分
黃柏 去皮 酒炒 紅花 酒洗 甘草 炙 各
右制一劑水煎入竹瀝薑汁少許溫
服○手足不遂倍黃芩薄桂○足不遂
倍黃柏牛膝

右半身不遂手足癱瘓者屬氣虛與濕
痰也 宜後左
○加減除濕湯 治中風右半身不遂
手足癱瘓及筋骨疼痛

- 人參 去蘆 川芎 桔梗
- 防風 各八分 白茯苓 去皮 當歸 酒洗
- 赤芍 陳皮 去白 半夏 薑製
- 蒼朮 製 烏藥 枳殼 炒
- 黃連 酒炒 黃芩 酒炒 卷活 各一錢

白朮去蘆二分 白芷九分 甘草五分
 右判一劑生薑二片水煎溫服○身
 痛加薑黃○脚痛加半膝防已葳靈仙
 左右手足皆癱瘓者此血氣之太虛也
 宜後九

○加味大補湯

黃芪蜜炙 人參去蘆 白朮去蘆
 白茯苓去皮 當歸酒洗 川芎
 白芍酒炒 熟地黃各錢 沉香
 大附子炮裂燉去皮臍 木香各三分 烏藥
 牛膝去蘆酒洗 杜仲去皮酒炒 木瓜
 防風去蘆 羌活 獨活
 薏苡仁各五分 肉桂 甘草各三分
 右判一劑薑蜜煎服

中風手足癱瘓口喎語澀等症屬血虛
 而火熾者宜清補也 宜後九

○奪命還真丹 治中風半身不遂手

足癱瘓口眼喎斜語言寒澀一切諸
 風痰火氣鬱濕熱痰痛驚癇之疾
 當歸酒洗 白芍酒炒 白茯苓去皮
 半夏薑製 枳殼麩炒 桔梗去蘆
 防風去蘆 薄荷葉 知母
 軟石膏 柴胡 小茴酒炒
 杜仲酒炒 麻黃 甘草各一分
 川芎 生地黃 熟地黃
 陳皮去白 官桂 黃連
 黃芩 蔓荊子 菊花
 地骨皮 全蝎去毒 僵蠶五錢

羌活 一兩
五錢

人參 去蘆 七錢
白朮 七錢

天麻

獨活 各七錢
藁本 五錢

兔絲子

木香 各七錢
五錢

細辛 三錢

蛤蚧 酥炙 一對

右三十一味為末煉蜜為丸如彈子

大金箔為衣每服一丸細嚼茶酒任下

○如中風癱瘓癩疾茶酒下○如遍

身筋骨疼痛及心氣痛及不省人事

執醋下○如洗頭風及暗風茶清下

○如驚癇口吐涎沫温酒下○如婦

人胎前產後經脈不調酒煎香附湯

下按右方以羌活愈風湯為本最能

行導諸經滋養氣血使陰陽無偏勝

久服大風悉去始終調理之良劑也

中風手足癱瘓舌強寒言等證屬虛熱

者宜滋補也 宜後於

○健步虎潛丸 治中風癱瘓手足不

能動舌強寒於言

黃芪 鹽水 當歸 酒洗 枸杞子 酒

龜板 酥炙 破故紙 鹽酒炒

牛膝 去蘆 酒洗 白朮 去蘆 白芍 鹽酒

生地黃 酒洗 熟地黃 虎脛骨 酥

杜仲 薑酒 知母 人乳拌 人參 土蘆

麥門冬 水浸 白茯苓 遠志 菖蒲 水

石菖蒲 去毛 酸棗仁 炒 木瓜

薏苡仁 炒 羌活 獨活 酒洗

防風 酒洗 各 黃柏 人乳汁 搗

五味子 沉香

五

大附子 重便浸透麴麩去皮臍切四

右為末煉蜜和楮脊髓五條和為丸

如梧桐子大每服百丸温湯酒送下

中風手足癱瘓半身痿弱不能動履等

症屬虛寒者宜温補也

○鹿角霜丸 治虛損半身痿弱或二

三年不能動履者

黃芪 蜜水 人參 土蘆 白茯苓 皮

白木 去蘆各 當歸 酒洗 川芎

白芍 酒炒 熟地黄 酒蒸 杜中 酒

蒼朮 米泔 破故紙 酒炒各 二兩

肉桂 小茴 酒炒 檳榔 各一

木瓜 川烏 泡去皮尖

肉蓯蓉 酒洗 牛膝 去蘆 酒洗

烏藥 續斷

虎脛骨 酥炙 防風 各一兩半

木香 二錢 羌活 獨活 各一

甘草 生五 大附子 童便浸濕和麴包

煨去皮臍一兩 鹿角霜 一斤

右為細末好酒煮米糊為丸如梧桐

子大每服七十丸空心米湯酒亦可

中風手足癱瘓等症屬風寒濕痺者宜

祛除也 宜後方

○蜜桃酥 治男婦久患風寒濕痺左

癱右瘓 當歸 川芎 白芍

生地黃 各一 人參 去蘆 白茯苓 去

天門冬 去心 麥門冬 去 五味子

破故紙

小茴

牛膝去蘆

枸杞子

川椒

何首烏

五加皮

草烏泡去

烏藥

破仁

杏仁去皮

木香

沉香各五錢

白木去蘆

陳皮

半夏薑炒

厚朴薑炒

蒼朮

香附

枳殼去穢

枳殼一本作各二兩

肉蓯蓉

川烏炮去

細辛

白芷

麻黃

防風

羌活

獨活

乾薑

官桂

甘草各一兩

小紅棗

北蜜

真酥油

胡桃肉

胡椒各八兩

右共四十四味俱剉片用生絹袋盛

之用好酒一大金花罈浸藥三日封

固放罈內懸胎煮二箇時辰取出埋

土中三日出火毒每日空心服二盞

日進三服其藥渣晒乾為末本酒打

糊為丸如梧桐子大每服三十九空

心本酒下

○仙傳藥酒方 治男婦左癱右瘓口

眼爛斜手足頑麻筋骨疼痛一切諸

風痔漏寒濕脚氣疝氣十膈五噎胎

前產後子宮久冷赤白帶下不受胎

孕經水不調氣滯痞塊其功不能盡述

茯神去木

陳皮去白

枳殼去穢

青皮去穢

牛膝去蘆

熟地黃

肉蓯蓉

白茯苓去皮

當歸

山藥	吳茱萸	防風
人參	沉香	廣木香
丁香	乳香	沒藥
宿砂	小茴	大茴
紅豆	白木	草果
黃芩	杏仁	甘草
猪苓	黃芪	三稜
義木	半夏	南星
牡丹皮	檳榔	青木香
官桂	大腹皮	澤瀉
梔子	天門冬	紅麴
白花蛇	川烏	白芍
蒼木	知母	細辛
桂皮		

貝母	麻黃	麥門冬
草烏	藿香	山查
白芷	白附子	軟石膏
羌活	薄荷	木瓜
木通	葛根	山茱萸
獨活	香附	破故紙
虎脛骨	天麻	枸杞子
川芎	良薑	川椒

右七十五味修合一處將藥絹袋裝
 盛外用蜂窠核桃仁紅棗去核各一
 斤同小黃米燒酒共入一大罐內俗
 葉封固七日下銅釜三炷香取出土
 埋二七去火毒每早用一小鐘久服
 有功四十以上者方可用

中風一切實熱舌強口噤識妄驚狂二便閉澀者宜解表而通裏也宜後方

○防風通聖散 治中風一切風熱大便閉結小便赤澀頭面生瘡眼目赤痛或熱生風舌強口噤或鼻生紫赤

風刺癢癢而為肺風或成風癘而世呼為大風或腸風而為痔漏或腸鬱而為諸熱譫妄驚狂並皆治之

防風 川芎 當歸 白芍 連翹 薄荷 麻黃 石膏 桔梗 黃芩 白朮 梔子 荆芥 滑石 大黃 芒硝 甘草

右判 一劑生薑三片水煎溫服其大黃芒硝麻黃三味對症旋入自利去硝黃自汗去麻黃 一飲酒中風身熱頭痛如破者加黃連葱白煎服立愈慎勿用麻黃桂枝湯解之

一風傷於肺咳嗽喘急每二兩加半夏枯梗此藥各二錢 一解利四時傷寒內外兩傷每二兩加益元散一兩葱白十根豆豉合生薑半兩木一大碗煎五七沸溫服一半以鷺翎探之即吐吐後更服一半汗出立解

一頭旋腦熱鼻塞濁涕時下每二兩

加薄荷黃連各二錢半內經云膽移熱於腦則辛額鼻淵者濁涕下不止也王注曰膽液下澄則為濁涕下不已如木泉故曰鼻淵也此為定太陽與陽明脈俱盛也

一風熱上以頭目昏眩悶痛痰喘咳嗽去麻黃芒硝加菊花人參砂仁寒水石一耳鳴因酒過者加柴胡枳殼桔梗青皮南星荆芥

一眼目赤腫風熱爛弦內外障翳羞明怕日翳膜出淚兩臉赤爛紅筋瘀血加菊花細辛羌活獨活茯苓木賊蔓荆子當決明玄參蠟退生薑煎服
一小便淋閉去麻黃加滑石連翹煎

藥湯調末香末二錢麻黃土室及不宜裏故去之

一腰脇走注疼痛加芒硝石膏當歸甘草一服各二錢調車前子末海金砂末各一錢內經曰腰者腎之府

一破傷風者如在表則辛以散之在裏則苦以下之兼散之汗下後通利血氣祛逐風邪者每一兩內加煎芥穗大黃各二錢調全蝎末一錢羌活末一錢

一小兒諸風湖搐急慢驚風大便閉結邪熱暴甚腸胃乾澀寢汗咬牙目睛上竄睡語不安轉筋驚悸肌肉抽搐動每一兩加大黃一錢梔子二錢調

茯苓末二錢

一肌肉蠕動者調養活末一錢經曰

肌肉蠕動命曰微風

一打撲傷損破節疼痛腹中惡血不

下每一兩加當歸大黃各二錢半調

乳香沒藥各二錢

一癰疽惡瘡腫毒本方一兩倍連翹

當歸加黃連茯苓黃芪人參木香白

芷金銀花牡蠣各半兩名勝黃飲子

如瘡在上加當歸用酒浸

一發班熱本方一兩加黃連九錢

一勞汗當風汗出為酸鬱乃產勞出

於玄府脂液所凝去苦硝倍加芍藥

當歸發散玄府之風當調其榮衛俗

云風刺

一坐癢疹或赤或白麻黃煎葱白

出其汗麻黃去節并去苦硝鹹走血

而內凝故不發汗還依前方中加四

物湯黃連解毒湯二藥合而服之日

二服故內經曰以苦發之謂熱在那

表連內也

一氣逆者調木香末一錢服

一痢後鶴膝風良驗

○愈風丹 治三十六種風

蒼朮 酒浸 香白芷 南川烏 炮

南草烏 火炮各四兩 天麻

當歸 酒洗 防風 何首烏 炮

中三十六種風證者宜專攻也 俱宜後

荊芥穗 麻黃 去根節 石斛 酒洗

甘草 第一 兩 南等 五錢

右為細末 煉蜜為丸 如彈子 大每服

一丸 臨臥 茶清下 勿見風 忌豬肉 雀

肉 三白

急閉風茶湯下

產後咳嗽 肺風 紅花湯下

遍身筋骨疼痛 乳香湯下

腰疼 耳聾 腎氣風 荊芥湯下

肩毛脫落 大風 天麻湯下

口發狂言 氣心風 硃砂湯下

十指斷裂 鹽湯下

飲食無味 皂角湯下

遍身疥癬 肺風茶下

口眼喎斜 茶湯下

逆風冷淚 米泔湯下

手足皮腫 天麻湯下

大腸下血 燒獨蒜湯下

心胸悶 胸膈噎塞 薑湯下

發狂吐沫 荊芥湯下

婦人黃腫 當歸湯下

五般色淋 鹽湯下

鼻生赤點 葱湯下

手足熱困 蘇木湯下

髮鬢脫落 鹽湯下

小兒疳積 風撮口 朱砂湯下

耳作蟬聲 川椒湯下

口吐酸水 茴香湯下

膀胱疼痛艾醋湯下

起坐艱難地黄湯下

偏正頭疼茶湯下

眼跳熱痺米湯下

小兒急慢驚風金煎湯下

手足麻痺石榴皮湯下

小兒吐蟲皂角湯下

婦人赤白帶下甘草湯下

補遺方

○秘傳藥酒方 治癱瘓腿疼手足麻痺不能動移者

當歸 白芍 生地黃

牛膝 秦朮 木瓜

黃柏 杜仲 防風

陳皮 南芎 羌活

獨活 白芷 續斷 五錢

肉桂 甘草節 蜜炙各三錢

油松節 五錢 久痛加虎脛骨 酥炙

蒼朮 一兩 煨

右剉入絹袋內入南酒或無灰酒車

湯煮下炷香為度早晚隨量飲之不

忌諸物

○榮花散 大棗李洽溪傳治左癱右

癱瘓 鹿茸 乳香

沒藥 榮花樹皮 即夜合花根

右五味各為細末各二錢合一處研

勻分為二服五更黃酒送下一服五

錢男子至重者二服出汗女人至重
止用一服効

○獨神丹 治癰瘰瘰癧痛手足攣拳

用淮安陳麴一塊將四面削去各一
指厚用中心的打碎礮鍋內炒去濕

氣為細末用福建黑糖等分入石柏

內搗勻再用生薑汁熬熟旋添入內

搗如泥凡作彈子大收貯磁器內每

服細嚼病在上者晚上用黃酒下病

在下者五更用牛膝煎酒送下一丸

如全身有病早晚如引送下尅日奏

効

○秘方 治癰瘰如神

熟牛骨內髓一碗煎熟蜜一斤二味

濃酒入炒麵一斤炒乾薑末二兩四

味攪勻丸如彈子大一日服三四丸

細嚼酒下大効

○神仙外應膏 治左癱右瘓筋骨疼

痛手足拘攣

川烏一斤為細末用隔年陳醋入礮

鍋內慢火熬如醬色敷患處如病有

一年敷後一日發痒時令人將手

拍癢處以不癢為度先用麻皮鋪

生薑煎水洗患處然後敷藥不可見

風

類中風論

類中風者則常有之有中寒中暑中濕

中火中氣食厥勞傷房勞瘵厥血運

中風卒死等症皆類中風者甚多各
有治法不可作風治而用風藥誤之
甚矣

○中於寒者謂冬月卒中寒氣昏冒口噤
肢攣惡寒脈浮緊也宜後其症或

口吐涎沫重則四肢僵直先用熱酒
薑汁各半羹灌之稍醒後隨用附子
理中湯若不急治舌短囊縮而死矣

○附子理中湯 治中寒厥倒

大附子 炮去心 乾薑 吳茱萸 九

官桂 人參 當歸

陳皮 厚朴 薑炒 白朮 去蘆

甘草 炙 右剉生薑棗子水煎服

吐瀉喘滿也 宜後方

○十味香薷飲 亦見中暑

中於濕者川溪所謂東南之人多由濕
土生痰痰生熱熱生風

○清燥湯 方見痰癆夜本方加竹瀝薑汁

中於火者河間所謂肝木之風內中木
經之邪外侵良由五志過極火盛水
衰執氣佛鬱昏冒而卒仆也 宜後方

用六味地黃丸四君子湯獨參湯之
類內有悲怒傷肝火動上炎者用小

柴胡湯之類

○六味地黃丸 ○四君子湯 俱見補益

中於氣者由七情過極氣厥昏冒或牙
關緊急也 宜後方

中氣症因與人相爭暴怒氣逆而運
倒者此名中氣氣喘多沉風氣多浮
風中身濕有痰涎氣中身冷無痰涎
先用薑湯灌救甦後即用木香順氣
散或藿香正氣散

○木香順氣散 治中氣運倒

木香 別磨 破心 烏藥

香附 青皮 陳皮

半夏 厚朴 枳殼 蘇枳 各

官桂 乾薑 甘草 各二

右剉一劑生薑三片水煎木香調服

○氣不轉加蘇子沉香

藿香正氣散 治中氣調理乎和之

劑方見霍亂

厥者過於飲食胃氣自傷不能運化
故昏冒也 宜後方

先用薑湯多灌探吐之後服六君

子湯 凡吐卒倒口噤不能言目不

識人四肢不舉等症多者飲食過度

變為異常必須審問明白若果因飲

食之後或著氣惱令前薑湯多灌探

吐之即愈

○六君子湯

人參 七分 白朮 去蘆 白茯苓 去

陳皮 半夏 薑汁 製 香附 一錢

木香 砂仁 各五 甘草 二分

右剉生薑三片棗一枚水煎溫服

勞傷者過於勞役耗損元氣脾胃虛衰

不任風寒故昏冒也 宜後方

補中益氣湯 方見內傷治氣虛卒

倒

房勞者因腎虛精耗氣不歸元故昏冒

也 宜後方

○六味地黃丸 方見補益

痰厥者皆因內虛受寒痰氣阻塞手足

厥冷麻痺眩暈欲倒脈沉細也 宜後

○加味二陳湯 治痰厥運倒

陳皮 半夏 薑製 白茯苓 去皮

當歸 枳實 煨 桔梗 去蘆

杏仁 去皮尖各一錢 良薑

砂仁 各七分 木香

官桂 甘草 各二分

右判一劑生薑煎服○氣逆加蘇子

○元氣虛弱去枳實

血運者皆因平日去血過多虛而成血

運脈微瀯也 宜後方

○加味四物湯 治血虛眩暈卒倒不

可又灸驚哭 動動則乘虛而死矣

當歸 川芎 白芍

生地黃 熟地黃 黃芪 蜜炙

人參 白朮 去蘆 陳皮

白茯苓 去皮 荆芥 甘草 炙各

右判棗二枚烏梅一箇水煎服○飽

悶加香附砂仁去黃芪白朮

卒中暴厥者卒然不省人事也

其症因犯不正之氣忽然手足厥冷

肌膚粟起頭面青黑精神不守錯言
妄語牙緊口禁昏不知入頭旋暈倒
此中惡卒厥客忤飛尸鬼擊吊死問
喪入廟登塚多有此病也宜艾炙臍
中百壯以皂角末搗麩或半夏末亦
可或研韭汁灌耳中即活或以蘇合
香丸灌之俟稍醒用調氣散合平胃
散服之或藿香正氣散亦可

○調氣散

白豆蔻 丁香 檀香 木香 各二錢
藿香 甘草 各八錢 砂 一錢
右爲末每服一錢入塩少許沸湯點服
蘇合香丸 治男婦中風中氣才關
緊閉口眼喎邪不省人事分傳屍骨

蒸勞瘵卒暴心疼鬼魅瘴癘小兒急
慢驚搐婦人產後中風赤白痢疾下
切氣暴之症最能順氣化痰

沉香 木香 丁香
白檀香 安息香 麝香
香附米 白朮 訶子肉
葶撥 硃砂 犀角 各一兩
乳香 洗腦 蘇合香油 各五錢
右將各味咀成片爲細末入腦麝安
息香蘇合香油同藥攪勻煉蜜爲丸
每丸重一錢用蠟包裏每用大人一
丸小兒半丸去蠟皮以生薑自然汁
化開擦牙關別煎薑湯以許調藥灌
下神効

預防中風

凡人初覺太指次指麻木不仁或手足少力肌肉微掣三年內有中風之疾宜先服愈風湯天麻丸各一料此治未病之先也○又云於未病之先服竹瀝枳朮丸可祛去之若與搜風順氣丸間服何中風之有

愈風湯

初覺風動服此不致倒仆

此乃治未病之聖藥也又治中風症內邪已除外邪已盡當服此藥以導諸經久服大風盡去縱有微邪只從此藥加減治之然治病之法不可失於通塞或一氣之微汗或一旬之通利如此乃常治之法也久則清濁自

分榮衛自和矣

黃芪 蜜炙 人參 去蘆 當歸 酒洗

白芍 酒炒 生地黃 枸杞子

杜仲 薑酒 秦艽 肉桂

蒼朮 木海 羌活 獨活

防風 薄荷 菊花

細辛 麻黃 蔓荊子

白芷 地骨皮 知母

石膏 柴胡 黃芩

枳殼 麩炒 甘草

右到每服一兩生薑二片水煎空心服渣再煎臨臥服

一方加熟地黃半夏厚朴前胡防已茯苓療腎肝虛筋骨弱語言蹇澁精

神昏憤此藥安心養神調理陰陽使
無偏勝治中風內外無邪服此藥以
行中道及治風濕內弱風熱體重或
瘦而肢體偏枯或肥而半身不遂

○天麻丸 治風因熱而生熱勝則風

動宜以靜以勝其燥是養血也此藥
能行榮衛壯筋骨方治足三陰虧損

風邪所傷致肢體麻木手足不隨等
症去附子加肉桂熟地黃名愈風丹

天麻 牛膝 去蘆酒洗 薑蘇

玄參 各一兩半 杜仲 薑酒炒一兩七錢

羌活 三兩 大附子 炮去皮臍五錢

當歸 酒洗二兩半 生地黃 酒洗四兩

去腐間風加獨活一兩半

右為末煉蜜為丸如梧桐子大每服

七八十九空心酒下白湯亦可良久

則食

○竹瀝枳朮丸 化痰清火順氣除濕

祛暈眩療麻木養氣血健脾胃

白朮 去蘆 蒼朮 海製鹽水炒各二兩

枳實 麸炒 陳皮 去白 白茯苓 土炙皮

半夏 薑炒 皂角 生 南星 製同上

黃連 薑炒 條芩 酒炒 當歸 酒洗

山查 去核 白芥子 炒 白芍 酒炒各

人參 五錢 木香 三錢

右為細末以神麩六兩薑汁一盞竹

瀝一碗煮糊為丸如梧桐子大每服

百丸食遠淡薑湯送下

搜風順氣丸 治腸胃積熱以致膈
間痞悶大便結燥小便赤澀腸風痔
漏腰膝酸疼肢節腫麻手足癱瘓行
步艱辛 證言寒濕三十六種風七十
二般氣無不効

大黃 五兩 酒蒸 火麻仁 微炒 去殼

兔絲子 酒煮 乾山藥

牛膝 去蘆酒洗 山茱萸 酒蒸 去核

郁李仁 去殼泡 檳榔 各二兩

枳殼 麩炒 獨活 各一兩

車前子 炒 二兩半

右為末煉蜜為丸如梧桐子大每服
三十九茶酒任下百無所忌早晚各

一服

余屢試前方有効者有不効者不効者

多是脾肺之虛腎肝之弱惟宜神中

益氣湯六味丸兼而進之可免中風

之患也 方見補益

大司寇三川劉公患卒倒不省人事口

眼相引手足攣掉一醫作風洽一醫

以痰火治俱罔効余診六脈沉數氣

口緊盛此非風非痰火乃氣夾食也

其家人始悟曰適止食之際被惱怒

所觸遂致如此用行氣香蘇散加水

香青皮山查一服即瘥

桑環川劉前溪素皆壯余善年俱近五

旬而多慾劉嗜酒其脈左手俱微

人迎盛右脈滑大時常手足酸麻肌

肉蠕動此氣血虛而風痰盛也余謂
三年內俱有癱瘓之患一君宜謹慎
因勸其服藥以免後患然其言每
年製搜風順氣丸延齡固本丹各一
料後果無恙其劉不聽愈縱飲無忌
未及三年果中風卒倒癱瘓語澀求
治於予曰悔不聽君言致有今日願
君竭力救我殘喘則再造恩也予以
養榮湯加城弁健步虎潛丸二藥兼
服一年餘始愈

劉大尹素有痰兩臂頑麻兩目流淚服
祛風化痰藥痰愈盛臂反痛不能伸
手指俱攣余曰麻屬氣虛誤服前藥
肝火熾盛肝血乾涸筋無所養虛而
攣耳當補脾肺滋腎水則風自悉熱
目退痰自清遂用六味丸補中益氣
湯不三月而痊方見補益

傷寒

附傷風

脈陽浮而陰弱謂之傷風○邪在太
經俱弦加之○陽浮衛中風也○陰
弱榮氣弱也○風傷陽故浮虛也○
脈浮緊而無汗謂之傷寒○寒傷榮
榮實則衛盈○陽脈緊急邪在上焦主
欬吐也

脈浮頭項痛腰痛強病在太陽
脈長身熱鼻乾目疼不得臥病在陽明
脈弦胸脇痛耳聾往來寒熱病在少陽
脈沉細咽乾腹滿自利病在太陰

脈微緩口燥舌乾而渴病在少陰

脈沉瀦煩滿囊縮病在厥陰

左手脈來緊盛即是傷寒右手脈平和

右手脈來緊盛即是飲食內傷左手脈

平和

左右手脈俱緊盛即是夾食傷寒此為

內傷外感

右手脈來虛空左手脈來緊盛即是勞

力傷寒亦為內傷外感

左右手脈來沉細或伏面色青手足冷

小腹絞痛甚則吐利舌卷囊縮即是

來陰中寒此是真陰症

脈來浮緊有力為寒邪在表治宜發散

脈來沉實有力為陰中伏陽治宜攻下

脈來沉細無力此純陰也宜退陰助陽

脈來沉數有力為熱相傳裏宜清解邪

熱

傷寒審證口訣

口苦者是膽熱也 口甜者是肝熱也

口燥咽乾者是腎熱也

舌乾口燥者是胃熱也

手心熱者邪在裏也

手背熱者邪在表也

手足溫者陽症也 手足冷者陰症也

鼻流濁涕者屬風熱也

鼻流清涕者屬肺寒也

唇口俱腫赤者是熱極也

唇口俱青黑者是寒極也

凡開目喜見人者屬陽也

無寐者陰虛陽盛也

多睡者陽虛陰盛也

閉目不欲見人者屬陰也

喜明者屬陽元氣實也

喜暗者屬陰元氣虛也

睡向壁者屬陰元氣虛也

睡向外者屬陽元氣實也

舌青紫者是陰寒也

舌赤紫者是陽毒也

謔語者口出無倫邪氣勝也

鄭聲者語不接續精氣脫也

狂言者無稽妄談邪熱氣盛也

獨語者無入則言是邪入裏也

目直視者圓正而不轉動也

怛沫濇走響者胃虛不可下也

瘼者筋脈急而縮也

瘰者筋脈緩而伸也

傷寒治法

正傷寒者大汗之後

感冒暴寒者微汗之微下之

勞力感寒者溫散之

溫熱病者微解之犬下之

陰症似陽者溫之 陽症似陰者下之

陽毒者分輕重下之

陰毒者分緩急溫之

陽狂者下之 陰厥者溫之

濕熱發黃者利之下之

血症發黃者清之下之

發斑者清之下之 謹語者下之 濕之

痞滿者消之 瀉之 結胸者解之下之

太陽症似少陰者溫之

少陰症似太陽者汗之

衄血者解之 止之 發喘者汗之下之

咳嗽者清之 解之 在裏者汗之 散之

在裏者利之下之 在上者因而越之

陷下者升而舉之 從乎中者和解之

直中陰經者溫補之

解表不開不可攻裏 日數雖多但見表

症血浮尚宜汗之

刺症具者不可攻裏 日數雖少但見裏

症似沉實尤宜下之

若同而異者明之 似是而非者辨之

傷寒總論

夫寒者天地殺厲之氣也 權之霧露冬

之霜雪皆寒邪也是以辛苦之人起

居不出節飲食不順乎時感其霧

露之氣則其邪淺感其霜雪之氣則

其邪深感而即病各曰傷寒不即病

者寒邪藏於肌肉之間伏於榮衛之

內至春因溫燄之氣而發者各曰溫

病至夏因暑熱之氣而作者各曰熱

病傷寒也 溫病也 熱病也 一理而已

若乃痲瘋之疾稍有不同者蓋因春

應溫而反涼夏應熱而反冷 穉應涼

而反熱冬應寒而反溫 四時不正之

病

而反熱冬應寒而反溫 四時不正之

病

氣也感其春夏不正之氣則為瘟疫
感其秋冬不正之邪則為寒疫然其
經絡傳變表裏受症與傷寒同也俗
云時氣病爾經總論之曰傷寒所以
為人之大病者害人最速也軒岐以
下得其治法之秘者惟張長沙一人
而已厥後劉河間不蹈其麻黃桂枝
發表之藥自製雙解散辛涼之劑非
不同也時有異也彼一時也奈五運
六氣有所更迭世態居民有所變天以
常靜人以常動動則屬陽靜則屬陰
清平之世同水化也雖有辛熱之藥
不生他症擾攘之世同火化也若風
辛熱之藥則發黃生痰變壞之病作
矣蓋人內火既動外火又侵所以辛
熱發汗不如辛溫辛溫發汗不如辛
涼之藥宜用辛涼而或用以辛熱之
藥發汗輕者必危重者必死可不謹
哉

四時感冒風寒者宜表解也

○十神湯

治感冒發熱惡寒頭疼身

痛咳嗽喘急或欲成痧此藥不問陰

陽兩感風寒及四時不正瘟疫妄行

宜宜服之

麻黃 紫蘇 陳皮

香附 赤芍 升麻 乾葛 甘草

右剉劑每服一兩生薑三片煎服欲

汗以被蓋之○如發熱頭痛加細辛

一痢疾不問赤白發熱不退及時行
瘦痢加黃連陳倉米礬白加石蓮肉
倉米痢後手足痛加木瓜檳榔

一頭目眩暈屬風熱者加天麻半夏
一眼目腫痛因風寒所感者加防風
荊芥歸尾赤芍去參苓

一腳氣流注脚踝上焮熱赤腫寒熱
如癰自汗惡風加蒼朮酒大黃皮續
撥癢加蠶退

一兩膝赤腫強急作痛而熱兩總筋
拘急此血熱也加赤芍大黃或利氣
丸下之

痛風痛有常處赤腫灼熱或渾身
壯熱此欲成風毒依本方

一腸風下血必在蓋前是名近血加
黃連又治酒毒下血加黃連用巴豆
同炒去豆不用

一婦人吹乳乳癰便毒增寒壯熱或
頭痛者加金銀花僵蚕貝母天花粉
青皮白芷歸尾

一小兒急慢驚風初起發熱手足發
搐上驚太吊加天麻全蝎僵蚕白附
子地骨皮

一小兒痘疹初起發熱頭疼似之
間即服此發散加天麻地骨皮防風
前芥去參苓

一癰疽疔瘡發背乳癰一切無名腫
毒發熱頭痛狀似傷寒加金銀花連

翹防風煎茶

○升麻葛根湯

治傷寒頭痛時疫增

寒壯熱肢體痛發熱惡寒鼻乾不得
睡兼治寒暄不時人多病疫乍煖脫
衣及瘡疹已發未發疑似之間宜服

葛根 三錢 升麻

白芍藥

甘草 各二錢

右剉一劑生薑三片水煎服○頭痛

加葱白三根同煎熱服○咳嗽加桑

白皮○上膈熱加黃芩薄荷○無汗

加麻黃○咽痛加桔梗甘草○發黃

丹毒加玄參

傷寒頭項痛腰脊強執者太陽症也

○無汗惡寒此傷寒在表血來浮緊有

力春夏秋用九味羌活湯冬月用麻

黃湯

○九味羌活湯

治春夏秋非時感冒

暴寒頭項痛發熱無汗脊強脈浮緊此
足太陽膀胱經受邪宜此發散

羌活 二錢

防風

川芎 各一錢半

白芷

生地黃

黃芩 各一錢

蒼朮 二錢

細辛

甘草 各三錢

右剉生薑三片葱白三根水煎服

○如汗不出用紫蘇葉煎湯以醴盛
放被內於脚腕下薰之用生薑直綿
裹週身擦之其汗自出

○麻黃湯

治冬月正傷寒頭疼發熱

惡寒脊強脈浮緊無汗為表症此足

太陽膀胱經受邪當發汗

麻黃 杏仁 桂枝 川芎 白芷

防風 羌活 升麻 甘草

右剉生薑三片葱白三根豆豉一撮

水煎熱服以被蓋出汗

有汗惡風此傷寒在表脈來浮緩無力

春夏秋宜加減中和湯冬月宜桂枝湯

○加減中和湯 治春夏秋感冒非時

暴風亦有頭痛惡寒身熱脈浮緩自

汗宜實表

羌活 白朮 川芎 白芷 黃芩

細辛 生地黃 防風 黃芩 甘草

右剉生薑三片葱白三根水煎溫服

○桂枝湯 治冬月正傷寒頭痛發熱

惡風脊強脈浮緩自汗為表症此足

太陽膀胱經受邪當實表散邪無汗

者不可服

桂枝 芍藥 防風 羌活

川芎 白朮 甘草

右剉生薑三片大棗一枚水煎溫服

傷寒眼目痛鼻乾不得眠者陽明症也

若發熱無汗宜柴葛解肌湯

若渴而有汗不解或經汗過不解宜

○柴葛解肌湯 治足陽明胃經受症

目痛鼻乾不得眠眼目痛脈來微洪

宜解肌屬陽明經病其止陽明臟腑

病別有治法

柴胡 黃芩 乾葛 芍藥 羌活
白芷 桔梗 石膏 甘草

右劉生薑三片棗一枚水煎服本
經無汗惡寒去黃芩加麻黃

○白虎湯 治陽明經汗後脈洪大而
渴或身熱有汗不解

石膏 五錢 知母 二錢 粳米 一握
甘草 七分 人參 一錢 五味子 十粒
麥門冬 上各 梔子 各一錢

右劉一劑水煎服○如口燥煩渴或

發赤班加入人參名化班湯○如秋感

熱之疫癘或陽明下後大便不通熱

不退者或濕溫症熱不退而大便澹

者依本方加蒼朮○若傷寒汗下後

自汗虛熱不退加蒼朮人參一服通

神○無汗脈浮表未解而陰氣盛雖

渴不可服白虎湯裏有熱者方可用

傷寒耳聾胸脇痛發寒執喘而口苦者

少陽症也 此在半表半裏宜小柴

胡湯

○小柴胡湯 治傷寒三四日脈息弦

急而數病傳少陽經也

其症頭疼發熱脇痛耳聾嘔吐口苦

寒熱往來

柴胡 二錢 黃芩 一錢半 半夏

人參 各七 甘草 五分
加山梔牡丹皮名加味小柴胡湯

右剉一劑生薑三片棗二枚水煎服

○心中飽滿加桔梗枳殼○心下痞

滿加黃連根實○渴加知母石膏○

內熱甚錯語心煩不得眠合解毒湯

右治肝膽經風熱或寒熱往來或嘔

熱潮熱或怒火口苦耳聾咳嗽瀉痢

腹作痛諸症

傷寒腹滿而痛咽乾而渴手足溫煖者

太陰症也

○桂枝大黃湯 治足太陰脾經受症

腹滿而痛咽乾而渴手足溫脈來沉

而有力皆因邪熱從陽經傳入陰經

也

桂枝 芍藥 大黃

柴胡 枳實 甘草

右剉生薑三片棗二枚水煎服入

檳榔磨水三匙同執服

傷寒身不惡寒反惡熱者表未除裏又

急也

○大柴胡湯 治傷寒內實大便難不

惡寒反惡熱

柴胡 四錢 黃芩 芍藥 各二

半夏 一錢 大黃 二錢 枳實 一錢

右剉一劑生薑三片大棗二枚水煎

溫服以利為度未利再服

傷寒潮熱發在言而燥渴者大便實熱

傳裏也

○六一順氣湯 治傷寒傳裏大便結

傷寒潮熱發在言而燥渴者大便實熱

傳裏也

○六一順氣湯 治傷寒傳裏大便結

傷寒潮熱發在言而燥渴者大便實熱

傳裏也

傷寒潮熱發在言而燥渴者大便實熱

傳裏也

實口燥咽乾怕熱揭衣識語在安揚
手攔足斑黃陽厥潮熱自汗胸膈滿
硬造臍疼痛等症

柴胡 黃芩 芍藥 枳實
厚朴 大黃 芒硝 甘草

右剉劑先將水二鍾煎滾三沸後入
藥煎至一碗臨服入鐵秀水三匙調服

○蜜煎導法 治自汗大便閉結不通

甚便於老人并日久不能服藥者又
恐服硝黃變為別症又有糞入直腸
者以此最便益也

煉蜜如飴乘熱熬如指大長二寸兩
頭如銳納入谷道中良久下結糞加
皂角末少許尤妙如無蜜以香油灌
入谷道中亦妙

○猪膽汁道法 治陽明自汗小便利
大便結硬不可攻者

猪膽一枚和醋少許以竹管套入谷
道中一時許即通蓋酸苦益陰以潤
燥也

傷寒陽毒斑黃者在叫欲走也 其症

表裏俱實內外皆熱脈數有力而無
汗三黃石膏湯通解表裏也

○三黃石膏湯 治陽毒發斑黃身如
塗朱眼珠如火任叫欲走六脈洪大
燥熱欲死鼻乾面赤過經不解已成
壞症表裏皆熱欲發其汗熱病不退
又復下之大便遂頻小便不利亦有

錯治濕症而成此症者又有汗後三焦生熱脈洪譫語不休晝夜喘急鼻加時衄狂叫欲走

黃連 黃芩 黃柏 梔子 茯苓 石膏 豆豉

右剉劑生薑三片細茶一撮水煎溫服

傷寒血熱發狂者重實表虛也

消斑青黛飲 治熱傳裏重實表虛

血熱不散熱氣乘虛出於皮膚而為斑也輕如疹子重則如錦紋重甚則斑爛皮膚或本屬陽謨投熱藥或當汗不汗當下不下或汗未解皆能致此不可發汗重令開洩更加斑爛也其或大便自利佛鬱短氣燥糞不通

黑斑主不治○汗下不解足冷耳聾

斑則效逆便是斑症之候也

柴胡 玄參 黃連 知母 石膏 青黛 生地黃 山梔 犀角 人參 甘草

右剉劑生薑一片棗一枚水煎服

入醋一匙同服

傷寒汗吐下後煩燥口渴陽厥極深者

表裏大熱也

○黃連解毒湯 治傷寒大熱不止煩燥乾嘔口渴喘滿陽厥極深蓄熱內

甚及汗吐下後寒涼諸藥不能退其熱者

黃連 黃芩 黃柏 梔子 錢

柴胡 連翹各一劑水煎服

○涼膈散 治傷寒三四日以前用發

表之藥無汗者或已汗而不解者依

本方加石膏知母以解表裏之執最

為穩當方見水門

傷寒小便利大便黑嗽水不嚥口燥者

下焦瘀血也

○桃仁承氣湯 治熱邪傳裏熱甚腸

膀胱其人如狂小便不利大便黑小腹

滿痛身面黃黃譫語燥渴為血血症

脈沉有力宜此下盡黑物則愈未服

前血自下者不必服為欲愈

桃仁 十箇 去尖 桂枝 一錢 大黃 二錢

芒硝 一錢 甘草 一錢

右剉一劑生薑三片水煎去渣入芒

硝再煎一沸溫服血盡為度未盡再

服

傷寒結胸者熱痰結也

○清火化痰湯 治熱痰在胸膈間不

化咯吐不出寒熱氣急滿悶作痛者

名痰結

黃連 黃芩 梔子 瓜蒌仁

貝母 桔梗 枳殼 陳皮

半夏 茯苓 蘇子 朴硝

桑白皮 甘草 木香 杏仁

右剉生薑三片水煎入竹瀝薑汁必

許磨木香同服

解熱下痰湯

治傷寒結胸有痰有

熱有氣滯分咳嗽失聲

蘇子 白芥子 枳實 薤白

黃芩 黃柏 瓜蒌仁 石膏

杏仁 烏梅 桔梗

右剉劑生薑一片水煎溫服

○薑灸法 治傷寒胸膈不寬一切寒

結熱結水結食熱痞結痰結大小便

結胸痞氣結者俱治

生薑搗爛如泥去汁取渣炒熱縮包

漸漸揉慰心胸脇下其滿痛除然而

自愈若薑渣冷再入薑汁再炒再熨

熱結不用炒

傷寒發黃者濕熱盛也

○退黃散 治傷寒發黃身口俱黃如

金色小便如濃煮相汁諸藥不効

柴胡 赤麻 茵陳 龍膽草

黃連 黃芩 梔子 黃柏

木通 滑石 甘草

右剉劑燈草一團水煎服○太便實

加大黃○目睛黃倍龍膽草○虛弱

加人參○外用生薑搗爛時時於黃

處擦之其黃自退

傷寒汗下煩熱者表裏俱虛也

○竹葉石膏湯 治傷寒已經汗下表

裏俱虛津液枯竭心煩發熱氣逆欲

吐及諸煩熱宜服之

石膏二錢 半夏 麥門冬 去心

人參 甘草 各一錢

右判劑用清竹葉生薑各五片粳米百餘粒水煎溫服極熱發狂倍知母石膏○執心加薑汁

傷寒病後不眠者心膽虛怯也

溫膽湯 治病後虛煩不得卧及心

膽虛怯觸事易驚短氣悸之或復自汗

汗並治

陳皮 去白 半夏 薑汁炒 茯苓 去皮

枳實 麩炒各二錢半 竹茹

酸棗仁 炒各一錢 甘草 五分

右判劑生薑二片水煎溫服○心膽

虛怯觸事易驚加麥門冬人參柴胡

桔梗

竹茹溫膽湯 治傷寒日數過多其

熱不退夢寐不寧心驚恍惚煩燥多痰不眠者

柴胡 二錢 竹茹 桔梗 枳實 一錢

黃連 人參 陳皮 半夏

茯苓 香附 甘草

右判劑生薑二片棗一枚水煎服

傷寒懊憹者悶鬱不舒也其症因表症

俱下正氣內虛陽邪內陷結於其間

重則結胸也邪在胸中宜吐執結在

胃腑宜下凡傷寒汗吐下後虛煩不

眠若劇者必反復顛倒心中懊憹宜

此 此 此

梔豉湯 治汗吐下後心胸滿悶或

痛或頭微汗虛煩不得眠反復顛倒

心中懊憹乃燥熱佛鬱於內而氣不宣通也

紅梔子 淡豆豉 水煎服

○煩燥者懊憹不得眠也懊憹者鬱悶不舒之貌煩者氣也火入於肺也

燥者血也火入於腎也故用梔子以

治肺煩豆豉以治腎燥少氣虛滿加

甘草○嘔噦加生薑橘紅○有宿食

而煩燥者加大黃○下後脹滿而煩

加枳實厚朴○下後身熱而煩加甘

草乾薑○差後勞復加枳實

傷寒百合者百沒是處也其病又非寒

又非熱欲食不食欲行不行欲坐不

坐服藥即吐小便赤如見鬼謂之百

合病

○加味柴胡湯 治百合病

人參 半夏 柴胡 黃芩

百合 知母 甘草

右剉劑青竹茹一團粳米炒食鹽一

撮水煎入薑汁以許同服

傷寒痰氣緊滿者宜上吐也

○瓜蒂散 治傷寒四五日病在胸膈

痰氣緊滿於上不得息者以此吐之

甜瓜蒂 赤小豆 各等分

右為末每服一錢豆豉煎湯調服以

吐為度

傷寒神昏不語者越經症也

○瀉心導赤散 治傷寒心下不疼腹

瀉心

導赤

散

治傷寒心下不疼腹

中不滿大便如常身無寒熱漸變神
昏不語或睡中獨語一二句目赤神
焦將水與之則嘔不與則不思形如
醉人醫者不識便呼為死症若以鍼
灸誤入者多矣殊不知熱邪傳入少
陰心經也因火止而逼肺所以神昏
故名越經症

梔子 黃芩 麥門冬 滑石

人參 犀角 知母 茯苓

黃連 薑汁 煎 甘草

右剉劑生薑一片棗二枚燈草二十
根水煎服入新生地黃汁二匙同
服

傷寒陽症似陰者是火極似水也 自

熱以至溫由溫乃至厥是傳經之邪
輕則宜四逆散合小柴胡湯如渴用
白虎湯合解毒湯重則宜六一順氣
湯

○四逆散

柴胡 芍藥 枳實 甘草

右剉劑生薑一片煎服

傷寒陰症似陽者水極似火也 自得

病手足便逆冷而不溫者

○四逆湯

傷寒孤感者唇口生瘡聲啞也

其症四肢沉重惡聞食氣默然欲汗
目閉舌白面黃黑變易無常蟲
食下部為孤而唇下有瘡其咽乾蟲

食其臟為感上唇有瘡聲啞治慙二
者通用

○黃連犀角湯

黃連 犀角 烏梅 木香

桃仁 右剉水煎服

傷寒吐衄者手足冷胃空虛也

○理中安蛔湯

人參 白朮 茯苓 各一錢

乾薑 炮馬 烏梅 二箇 花椒 去目

右剉劑水煎服治蛔不可用甘草甜

物蓋蛇得甘則動於上得酸則靜見

苦則安得辛辣則頭伏於下如合丸

用烏梅浸爛蒸熟搗如泥入煎末藥

再搗如泥每服十丸米湯吞下

傷寒吐衄雖有大熱忌用涼藥犯之

必死先當用溫劑以定衄後用涼劑

以退熱小柴胡湯之類

傷寒汗下後昏悶不省人事者元氣大

虛也

○奪命獨參湯

治傷寒汗後終日昏

悶不省人事發熱發渴似有狂言一

切危急之症宜此服後額上鼻尖有

微汗此其應也

煉參 去蘆 右剉作一劑水煎不

拘時服渣再煎服

病後勞復者宜養氣血也

益氣養神湯 治傷寒新瘥方起勞

動應事或多言勞神而微復發熱者

日勞復宜服此

人參 當歸 白芍 酒炒

麥門冬 知母 梔子 各一錢

白茯苓 前胡 陳皮 各五分

升麻 生甘草 各三分

右剉劑棗一枚水煎食遠温服

傷寒後交接復發欲死眼不開不能言語及熱病新瘥早起及多食復發

山梔子三十枚剉碎水煎服

勞方感寒者內傷外感也 其症頭眩

身熱惡寒微渴濺然汗出身痛腰腿

酸疲沉困無力脈空浮無力名曰勞

力感寒不可誤作正傷寒大發其汗

故經云勞者温之温能除大熱正此

之謂也宜加味益氣湯若有下症者

大柴胡湯下之

○加味益氣湯 治體怯弱兼之勞而

洗感冒傷寒頭痛發熱者

黃芪 人參 柴胡 各一錢

升麻 三分 白朮 陳皮

當歸 黃柏 羌活 一錢半

防風 甘草 各五分

右剉一劑生薑三片水煎熱服冬月

加細辛三分如執其脈滯有力加

黃芩 酒炒一分

傷寒瘥後禁忌歌

新瘥雖當自保持 勿將酒肉口中肥

清宵靜睡無思想 用意煩勞最忌之

節食寡言須早起
寒暄冷煖減添衣
切戒房室陰陽易
悔悞難追已噬臍

補遺秘方

○神仙救苦丸 專治四時傷寒不論

日期遠近陰陽表裏內外虛實半表

半裏男女老幼並皆治之

麻黃 去節研細熱甘草 炙去皮湯水浸取

亦芍 洗去土濕水 朱砂 一兩五錢研細木

雄黃 去灰石紅粉大顆者研 細水飛過一兩五錢

升麻 微炒研細溫水 人參 去蘆研細溫

當歸 湯身研細 柴胡 研細溫水浸取

春夏用石膏 研細水淘淨 枳實 研細溫水浸取

秋冬用桂枝 研細溫水浸取

細辛 研細溫水浸取此二味別收

右爲細末依前法修製各陰乾擇庚

申日共盛一處用溫水攪勻以細絹

濾過三遍將汁盛於磁罐內上以綿

紙固之置之不近濕不通風處仍陰

乾取下細末擇甲子停分兩處一半

入春夏藥一半入秋冬藥醋糊爲丸

如黍米大每服一丸好鮮明雄黃五

分於碗內研細入井花涼水研同藥

送下水洗雄黃務要吃盡焚香三寸

自然汗出立愈如傷寒汗後變爲雜

症者應服二九內外兼表仍出汗自

愈若乾霍亂等疾卽當內解有起死

回生之功不能盡述

陰陽散 治傷寒三五日或過期或初覺無汗服此

麻黃六錢 紫豆粉二錢 川芎 白芷 石膏 甘草 蘇葉 各一錢

右為細末每服一錢涼水調服吃水

一二二次待汗出來方止水蓋被出汗

足以身涼為度二三日勿出門見風

食淡飯

傷寒昏迷不省人事

皂莢末紙燃燒煙入鼻有嚏可治無

則不治肺氣上絕也可治者隨用皂

莢半復生白礬共一錢五分為末入

薑汁調服探吐痰去麴省効

一人傷寒頭疼發熱增寒身痛發熱諸

語日久不出汗余以大梨一箇生薑

一塊同搗取汁入童便一碗重湯煮

熱服之汗出如水即愈

太守雲亭劉公患傷寒發熱面紅唇赤

面壁倦身而臥諸醫以小柴胡湯解

毒湯之類數劑弗効余診六脈浮大

無力此命門無火也以人參附子沉

香一服立愈三服全安

一老嫗年七十旬患傷寒初起頭疼身痛

發熱增寒諸醫以藥發散數劑弗効

淹延旬日漸而飲食不下昏沉不省

口不能言眼不能開咽喉有微氣似

欲絕之意諸醫潛退一家徬徨召余

診六部虛微若無此真氣將憊乃收

擊之太過也以入參五錢前湯徐徐
灌之須臾稍省飲水又煎渣服之
頓愈又逾十年而卒夫人參回元氣
於無何有之鄉果有起死回生之效
信哉不誣

中寒

中寒者寒邪直中三陰經也
傷命

中寒者寒邪直中三陰經也
治死在旦夕

○回陽救急湯 治傷寒初起無頭痛

無身熱便就怕寒四肢厥冷或過於
肘膝或腹痛吐瀉或口吐白沫或流
涎或戰慄面如刀刮引衣倦臥不

渴脈來沉遲無力即是寒中陰經真
寒症不從陽經傳來

人參 去 白朮 去 蘆根 去 陳皮
半夏 薑汁製 人附子 煨去皮膽

五味子 乾薑 肉桂 甘草 炙

嘔吐涎沫或小腹痛加鹽炒米麩○
無鹹加豬膽汁一匙○泄瀉不止加
黃芪赤麻○嘔吐不止加生薑汁

右剉劑生薑煎服○倉卒無藥小便
可用葱熨法或艾灸關元氣海一二
寸壯使熱氣通其內逼邪出於外以
復陽氣稍得甦醒灌入薑汁煎服回
陽湯

寒中太陰者則中脘疼痛也

○理中湯 治即病太陰自利不渴寒多而嘔腹瀉下利鴨瀉蚘厥霍亂等症

人參 白朮 乾薑 甘草 各二錢半

右剉作二劑水二鍾前至八分去滓

濕服○如腎氣動急去白朮加肉桂

二錢○如吐多者去白朮加生薑三

錢○如下多倍白朮人參添水煎○

寒多者加乾薑一錢半○腹瀉滿下

利脈沉遲而微者加炮附子二錢○

如傷冷中寒脈弱氣虛變為陰疽本

方中加茵陳蒿一錢○如霍亂轉筋

加石膏五錢火熨○如痞滿而胃寒

或霍亂吐瀉不渴胸滿未成結胸者

或厥陰饑不能食食即吐就無理中

丸以本方藥為細末煉蜜為丸如彈

子大每服一丸用白湯半盞化下

寒中少陰者則膈腹疼痛也

○五積散 治中寒及感冒寒邪頭疼

身痛腰背拘急惡寒嘔吐腹痛小問

外感風寒內傷生冷寒濕客於經絡

腰背酸疼及婦人經脈不通並治

白芷 當歸 川芎 陳皮

厚朴 薑汁 蒼朮 白芍 茯苓

枳殼 麩炒 桔梗 半夏 蘇黃

乾薑 官桂 各五分

甘草 三分

右剉劑生薑三片大棗一枚木煎溫

服

寒中厥陰者則小腹至陰疼痛也

○四逆湯 治即病太陰自利不渴及

三陰症脈微欲絕手足厥冷名四逆

者即四逆厥冷也

大附子 一枚 去皮臍切 甘草 炙六錢

乾薑 五錢

右剉二劑每一劑用水煎溫服取少

汗乃愈

多陰證法

氣海穴在臍下一寸五分丹田在臍

下一寸關元在臍下三寸用艾火灸

二七壯但手足溫煖脈至知人事無

汗要有汗汗出即生不燥不省者死

艾熨法

用麝香半夏皂莢各一守為末填臍

中用生薑切薄片貼臍上放大艾火

灸薑片上蒸灸二七壯灸關元氣海

二十壯熱氣通於內寒氣退於外陰

自退而陽自復矣

熨臍法

用葱頭縛一把切去葉留白根切餅

二寸許連縛四五餅先將麝香硫黃

一字填於臍中放葱餅於臍上以熨

斗盛火於葱餅上熨之如餅爛再換

餅再熨熱氣入腹以通陽氣如大小

不通以利即止

探臍法

用吳茱萸二三合麩皮一升食鹽一
合拌勻熱炒以絹包之於腹上下熱
探熨之自然有効也

瘟疫

瘟疫無名隨見諸經未汗宜強虛緩

傷生

衆人病一散者乃天行時疫也

○辟邪丹

虎頭骨一兩 朱砂 雄黃 雌黃

鬼非 蕪荑 鬼箭 黎蘆

右爲末煉蜜爲丸如彈子大囊盛二

丸男左女右繫於背脊上或當病者戶

內燒之一切邪鬼不敢進兼治婦人

與鬼魅交通

○五瘟丹 治四時瘟疫流行傷寒發

熱并執瘡執病

黃連 屬火伐心 黃柏 屬木丙辛

黃芩 屬金乙庚 甘草 屬土戊辛

紫蘇 香附 以上各一兩以酒

右七味皆生用於冬至日製爲末用

錦紋大黃三兩濃煎湯去渣熬成膏

和前藥爲丸如彈子大朱砂雄黃末

爲衣再貼金箔每服一丸冷水磨服

○普濟消毒丹 治大頭瘟病

黃連 酒炒各 陳皮 玄參

生甘草 川芎 鼠粘子 升麻

大藍根 花無散 白僵蠶 柴胡

葛根 薄荷 當歸 大黃

連翹各五錢 人參三錢

右為細末煉蜜為丸每丸重二錢每服一丸細嚼白熟水送下發汗如不及丸用末藥一錢二分煎引服如未愈再進一服以汗為度不可透風若透風復腫再服藥只是去皮一層方愈忌酸冷羊鷄魚之物并房事冬應寒而反煖者春發瘟疫也 人參

敗毒散主之

○二聖救苦丸

治傷寒瘟疫不論傳

經過經可服

綿紋大黃四兩 酒并 牙皂二兩 如

右二味俱為末水打稀糊為丸菜豆

大每服五七十丸冷菜豆湯送下以

汗為度

○人參敗毒散

治四時瘟疫通用

羌活

獨活

前胡

柴胡

川芎

茯苓

枳殼

去穰

桔梗

去蘆

人參

各等

右剉劑每服一兩生薑三片水盞半

煎八分溫服或為末沸湯點服亦可

此藥治傷寒瘟疫風濕風眩四肢疼

痛增寒壯熱頭強睛疼不問老人小

兒皆可服或嶺南煙瘴之地或瘟疫

時行或人多風痰或處卑濕之地脚

氣痿弱此藥不可缺也連進三五服

以知為度○一方加薄荷少許

春應溫而反清涼者夏發燥鬱也

○大柴胡湯主之 方見傷寒

夏應熱而反寒者秋發寒鬱也

○五積散主之 方見中寒

秋應涼而反淫雨者冬發濕鬱也

○五苓散主之 方見中暑

太頭病者濕熱在高巔之上也

○牛旁芬連湯 治積熱在上頭頂腫

起或面腫多從耳根上起俗曰大頭

瘟并治煙瘴

黃芩 酒炒 各二錢半 桔梗

石膏 錢半 大黃 荊芥

防風 羌活 各三 連翹

牛旁子 炒 玄參 甘草 各一

右剉一劑生薑一片水煎食後細細

呷溫服每十盞做二十次服常冷藥

在上勿令飲食在後也

○內府仙方 治腫項太頭病蝦蟆瘟

僵蠶 二兩 姜黃 二錢 蟬退 六錢

大黃 四兩

右共為細末薑汁打糊為丸重一錢

一枚大人服一丸小兒半丸蜜水調

服立愈

○又方 治太頭瘟病腫臉頸項者

用福建龍花三錢燒酒一鍾鷄子清

一箇入內打勻吃下不時而愈腫即

消神方也

蝦蟆瘟者屬風熱也

防風通聖散 方見中風

凡入病家須避其邪氣不使染者亦
醫者之惠不可不知以雄黃末塗鼻
孔中或香油塗鼻孔亦妙然後入病
家行動從容左位而入男子病穢氣
出於口女子穢氣出於陰戶其相對
坐立之間必須識其向背既出自以
紙條探鼻深入噴嚏為佳

○太倉公辟瘟丹 凡官舍久無人到
積濕容易侵入預製此燒之可遠此
害極宜於暑月燒之以却瘟疫并散
邪氣

茅木一斤 台烏 黃連 白朮
羌活各半 川烏 草烏 細辛

防風 獨活 藁本
白芷 香附 當歸 荊芥
天麻 官桂 甘松 三柰
乾薑 麻黃 牙皂 芍藥
甘草 麝香 各四分

右為末棗肉為丸如彈子大每丸燒

萬曆丙戌春余寓大梁屬瘟疫大作士

民多斃其症間巷相枕甚至滅門其
症頭疼身痛增寒壯熱頭面頸項赤
腫咽喉腫痛昏憤等症此乃冬應寒
而反執人受不正之氣至春發為瘟
疫至夏發為熱病各曰大頭瘟大熱
之症也余發一秘方名一聖救苦丸

用牙皂以開關竅而發其表大黃以
瀉諸火而通其裏一服即汗一汗即
愈真仙方也日夜塞戶填門應酬不
暇全活者不能勝數矣但人稟之精
壯者百發百中其虛弱者余先以入
參敗毒散輕者即愈如未愈用牛旁
茶連湯可取全効

補遺方

○清涼救苦散 治頭面耳自鼻腫痛

- 芙蓉葉 桑葉 白芨 白欬
 - 車前 大黃 黃連 黃柏
 - 白花 雄黃 赤小豆 芒硝
- 右各等分爲細末用密水調敷於腫
痛處頻頻掃之

中暑

血暑傷於氣所以血虛弦細孔遲體狀
無餘

夏月有四證傷寒傷風血證互見中暑
執病疑似難明

血緊惡寒謂之傷寒

血緩惡風謂之傷風

血盛壯熱謂之執病

血虛身熱謂之傷暑

中暑中暈皆執症也動而得之謂中熱
靜而得之謂中暑乃夏火之氣也

中暑者執中心脾二經也 其症煩渴
自汗面垢血虛或腹痛吐瀉或嘔噦
燥悶重則執極而昏不知人事俱用

香薷飲加減元氣虛脫者用生血散加減

香薷飲 治伏暑引飲口燥咽乾或吐或瀉益治 若卒中昏倒付角弓反張不省人事手足或發搐搦此為暑風不可作風治之當以本方加羌活治之

香薷 厚朴薑汁炒 白扁豆炒

加黃連 薑汁炒尤妙

右劉劑水煎熟以涼水沉冷服○如有搐搦加羌活○瀉利加白朮茯苓

○血虛弱加人參五味子麥門冬○

虛汗不止加黃芩白朮○心煩加梔

十黃連薑汁炒調辰砂末服○胸脹

加枳殼桔梗○夾痰加前星半夏○

虛加入參黃芪○小便不利加赤茯苓滑石○嘔吐加藿香陳皮薑汁少許○渴加葛根天花粉

○十味香薷飲 治伏暑身倦體困神昏頭重吐利

黃芪 密水 人參 去蘆 白朮 去蘆

茯苓 去蘆 陳皮 木瓜 各五分

香薷 一錢 厚朴 薑汁 扁豆 炒

甘草 炙 各五分

右劉劑水煎服○暑風減黃芪加羌活一錢五分

○生血散 滋陰精氣培養真元補心

潤肺

人參 去蘆三錢 麥門冬 土心二錢

五味子 十五粒 加白朮 去蘆二錢

右剉剉水煎不拘時服渣再煎則可

充百茶湯

中腸者執傷膀胱經也 其症身熱頭

痛酒然毛聳微寒口開前板齒燥古

燥生胎大煩渴者用人參白虎湯加

香薷扁豆 有身重疼痛者用人參

敗毒散加香薷黃連王之

人參白虎湯 治夏月中腸即中熱

舌燥生胎刺

人參 五分 白朮 陳皮 各七

茯苓 芍藥 香薷

麥門冬 去心 施子 各一 石膏

知母 各半 扁豆 八箇 甘草 二分

右剉剉蓮肉十箇烏梅一箇水煎服

○執極小便遺尿不止加黃柏炒

煩燥加辰砂酸棗仁 若腹痛嘔噦

吐瀉飽悶切不可用石膏

中暑身熱而煩四肢沉困者此執傷元

氣也

清暑益氣湯 治長夏濕執蒸入人

感之四肢困倦精神減小懶於動作

胸滿氣促肢節疼痛或氣高而喘身

熱而煩心下痞悶小便黃而數大便

澀而頻或利或渴不思飲食自汗體

虛 黃芪 蜜炒 蒼朮 水浸 升麻 各一

製 錢

人參 白朮 去薑 陳皮

神麩 澤瀉 黃柏 酒炒

當歸 黃皮 去蘊 麥門冬 去心

乾葛 各三 五味子 九 甘草 三分

右剉一劑水煎溫服

中暑熱渴小便赤澀者宜清利二焦也

○益元散 治中暑身熱小便不利此

藥性涼除胃脘積熱又淡能滲濕故

利小便散濕熱也

白滑石 六錢 甘草 微炒 一錢

右為末每服二三錢加蜜少許執湯

冷水任下如欲發汗用葱白豆豉湯

調下

中暑熱渴大便泄瀉者宜分利陰陽也

○五苓散 治中暑煩渴身熱頭痛霍

亂瀉泄小便赤少心神恍惚

猪苓 澤瀉 白朮 去蘊

茯苓 去皮 各 肉桂 五分

右剉一劑水煎服若本方去桂名四

苓散

夏月感寒者乃取涼之過也 因暑熱

之時或納涼於深堂大厦涼亭冷館

太扇風車風寒以傷其外或飲養生

冷瓜果木水寒涼復傷其內其病或

頭疼身痛發熱惡寒或惡心嘔吐泄

瀉腹痛此內傷生冷外感風寒所致

也宜藿香正氣散治之此非治暑也

因暑而致之病也

藿香正氣散依本方外感重加
蒼朮蒼朮 羌活羌活 去白朮去白朮 內傷重加礮仁礮仁 神

注夏者屬陰血虛元氣不足也 夏初

春末頭疼脚軟食少體弱者是也其
症頭眩眼花腿酸脚軟五心煩熱口
苦舌乾精神困倦無力好睡飲食減
少胸膈不利形如虛怯脈數無力是
名注夏宜參歸益元湯加減兼服補
陰丸調理

參歸益元湯 治注夏病

人參去蘆 當歸 白茯苓去皮

熟地黃 白芍 麥門冬去心各

五味子十粒 陳皮 黃柏酒炒

知母酒炒 甘草二分

右到一劑棗一枚 烏梅一箇 炒米一

撮水煎服 飽悶加礮仁 白豆蔻

惡心加烏梅 蓮肉炒米 噦加竹茹

煩燥加辰礮 酸棗仁 竹茹 瀉加

炒白朮 山藥 礮仁 烏梅 去熟地 知母

黃柏 小水短赤加水 通山梔 胃

脘不開不思飲食加厚朴 白豆蔻 益

智礮仁 蓮肉 去熟地 黃柏 知母 膠

痛加杜仲 故紙 茴香 腿酸無力加

牛膝 杜仲 皮焦加地骨皮 頭目

眩暈加川芎 虛汗加黃芪 白朮 酸

棗仁 夢遺加牡蠣 山藥 辰礮 椿根

皮 虛驚煩熱加辰礮 酸棗 竹茹

口苦舌乾加山梔烏梅乾葛

發熱惡寒身重疼痛小便澀酒然毛

聾手足厥冷小有勞身即熱口開前

板齒燥脈弦細虛遲表裏中喝也用

補中益氣湯加香薷扁豆有熱加黃

芩

婦人暑月因厨房熱極遂出當風處

脫衣乘涼被風吹即頭痛發熱惡寒

身痛草醫不識誤認為寒用附子理

中湯一服下咽止時不語口中無氣

唇口青紫心頭微溫舉家哭泣未救

於子胎六脈洪大而數此純陽而誤

用執藥以燒酒噴胸前將鏡撲之更

將新汲水入壺將鷄翎沃入其口數

次必頃患人即伸舌探水以益元散

灌下即活

李北川仲夏患腹痛吐瀉兩手足捫之

則熱按之則冷其脈輕診則浮大重

診則微細余曰此陰寒之症也急服

附子理中湯不應仍服至四劑而愈

中濕

濕則濡緩或兼滯小入裏緩沉浮緩

在表若緩而弦風濕相攪

濕症者有內中濕有外中濕人之體虛

苟有不謹自然中矣

外中濕者或感山嵐瘴氣或被雨濕蒸

氣或遠行涉水或久臥濕地或汗衣

濕鞋則濕從外而中矣

其症頭重目眩身體骨節疼痛手足
酸軟四肢倦怠麻木腿膝腫痛體重
跗腫筋脉拘攣小腸疝氣偏墜浮腫
疝痛目黃小便赤黃等症皆外中濕
也

內中濕者皆因生食水食或厚味醇酒
過多停滯脾虛不能運化停於三焦
在於肌肉滲於皮膚則濕從內而中
矣

濕傷脾者腫脹泄瀉身黃瓜澁也

濕傷肺者咳嗽喘急身熱惡寒也

濕傷腎者腰脚重骨節酸疼也

濕傷肝者太筋軟短目昏脇痛也

濕入腑者則麻木不仁也

濕入臟者則屈伸不能也

中濕腹脹滿者邪在裏也 宜後治

○滲濕湯 治一切濕症

- 蒼朮 米泔 白朮 伏苓 各一錢
- 陳皮 澤瀉 猪苓 各一錢
- 香附 撫芎 砂仁
- 厚朴 去皮 各七分 甘草 三分

右劉薊生薑一疋燈草一團水煎服

○脾虛發腫滿氣急喘嗽去白朮

草加腹皮枳殼木香蘇子桑皮蘿蔔

于○面自浮腫去撫芎澤瀉厚朴香

附加山藥炒芍藥倍蒼朮煨熟勝濕

則豁然而收○瀉不止加肉蔻柯子

烏梅乾薑○嘔噦去厚朴香附撫芎

加炒山藥烏梅炒米甚不止加煨乾
薑○濕症身體重痛手足麻木酸軟
腫痛或枯細痿弱筋脈拘攣去香附
撫芎厚朴猪苓澤瀉加當歸生地芍
藥木香乳香薄荷桂牛膝酒芩羌活防
風蓋風能勝濕也

中濕而一身盡痛者邪在表也

○除濕羌活湯 治風濕相搏一身盡

痛

蒼朮 米泔 藁本 各一 羌活 七分
防風 去蘆 升麻 柴胡 各五分

右剉一劑水煎溫服

中濕而偏枯冷痺者腎氣虛也

○獨活寄生湯 治腎氣虛弱冷臥濕

地腰背拘急筋攣骨痛營風取涼過
度風邪流入脚膝為偏枯冷痺緩弱
疼痛牽引脚重行步艱難并白虎歷
節風痛

獨活 桑寄生 牛膝 酒洗 秦艽
杜仲 薑酒 細辛 桂心 川芎

白芍 酒炒 茯苓 去皮 人參 當歸

熟地 防風 去蘆 甘草 半

右剉生薑三片水煎空心溫服外用

金鳳花栢子仁朴硝木瓜煎湯洗浴

每自三次

余嘗治一人下元虛冷寒濕膠氣腫

痛焦枯臥床不起步履艱辛依本方

各一兩用好酒十壺煮一炷香取出

去火毒每自飲三次酒盡行步如故
又服一料全愈

火證

虛大浮數實大沉大隨其所見細數
為害

火症者有君火相火君火者心火也心
為君王之官配於五行守位而不
動相火者輔助之火也生於虛無寄
於肝腎之間聽命而行凡動皆是相
火五臟皆有火相火易起五火相竅
動矣相火乃元氣之賊無時而不煎
熬真陰陰虛則病陰絕則死陰虛火
動者難治凡人發熱咳嗽吐痰血者
午後至夜發熱面頰唇紅小便赤澀
者便是陰虛火動也

脈數無力者陰虛火動也

○滋陰降火湯 治腎經陰虛火動

左寸脈洪數者心火也

○黃連湯 治心火舌上生瘡或舌上

腫燥裂或舌尖出血或舌硬

黃連 山梔 生地黃 當歸

麥門冬 芍藥 薄荷 犀角

甘草 右剉一劑水煎食後頻服

左關脈洪數者肝火也

○柴胡湯 治肝火盛木氣實或脇痛

或氣從左邊起者或目紅腫痛俱肝

火也

柴胡 芍藥 川芎 龍膽草

當歸 青皮 山梔 連翹 各一
甘草 五分 右剉一劑水煎食後服

右寸脈洪數者肺火也
○黃芩湯 治肺火咳嗽吐血痰血鼻
血咽喉腫痛乾燥生瘡或鼻孔乾燥
生瘡或鼻腫痛

黃芩 山梔 桔梗 芍藥
桑白皮 麥門冬 荊芥 薄荷
連翹 各一 甘草 三分

右剉一劑水煎食後服
右關脈洪數者脾火也

○芍藥湯 治脾火或消穀易饑或胃
熱口燥煩渴或唇生瘡

芍藥 梔子 黃連 石膏
連翹 薄荷 甘草 二分

右剉一劑水煎食後服
脈沉而實大者實火也

○黃連解毒湯 治三焦實火內外皆
熱煩渴小便赤口生瘡

黃連 黃芩 梔子 黃柏
連翹 芍藥 柴胡 各等分

右剉一劑水煎食前服

○涼膈散 治三焦實火煩渴舌生瘡
小便赤大便結

大黃 芒硝 桔梗 連翹
梔子 黃芩 薄荷 甘草 三分

右剉一劑水煎食後服
三黃解毒丸 治內外諸邪熱毒癰

腫瘡疔筋脈拘攣咬牙驚悸一切熱毒并五淋便濁痔漏

黑丑 滑石 各四兩 大黃 黃芩

黃連 梔子 各二兩

右為末滴木九如梧桐子大每服四

五十丸溫水送下

一臟腑積熱三焦火盛口舌生瘡咽痛牙疼用六味九加黃連黃芩黃柏梔子知母生地黃

通府志齋徐公因酷好燒酒及五香藥酒過度患吐血痰唾氣喘咳嗽一醫

以參蘇飲一醫以敗毒散一醫以滋陰降火湯俱無寸効予見六脈急數

乃酒毒積熱入於骨髓不受滋補以黃連解毒湯加知母貝母石骨連翹

玄參天花粉葛根瓜蒌桔梗酒蒸大黃早晚而服至百日外以六味地黃

丸加解毒湯在內與前湯藥並進又服至百日始瘳後歸田逾年為陳酒

所犯而卒



內傷勞役謔犬不禁若損胃氣隱而

難尋內傷飲食滑疾浮沉內傷飲食數大瀆侵右關緩緊寒濕相尋右關

數緩濕熱兼臨數又微代傷食感注外傷內傷証辨

東垣曰人迎脈大於氣口為外傷氣口脈大於人迎為內傷外傷則寒熱齊

作而無間內傷則寒熱間作而不齊
外傷惡寒雖近烈火不除內傷惡寒
得就溫暖則解外傷惡風乃不禁一
切風內傷惡風惟惡乎此少賊風外
傷症顯在鼻故鼻氣不利而壅盛有
力內傷則不然內傷症顯在口故口
不知味而腹中不和外傷則不然外
傷則邪氣有餘故發言壯滿且先輕
而後重內傷則元氣不足出言懶怯
且先重而後輕外傷手背熱手心不
熱內傷手心熱手背不熱內傷頭痛
時作時止外傷頭痛常有之而須
傳裏方罷內傷則怠惰嗜卧四肢不
取外傷則得病之日即着床枕非扶

不能筋攣骨痛外傷不能食然口則
知味而不惡食內傷則惡食而口不
知味外傷三日已後殺消水去邪氣
傳裏必渴內傷則邪氣在血脈中有
餘故不渴

○內傷不足者飲食勞倦是也溫乎補
之調之養之皆為補也
○外感有餘者風寒暑濕是也瀉之吐
之汗之利之皆為瀉也

內傷勞役者元氣虛損也
補中益氣湯 治形神勞役或飲食
失節勞倦虛損身熱而煩脈洪大而
虛頭痛或惡寒而渴自汗無勞氣高
而喘

嫩黃芪 卷之二錢五分

揀參 去薑

白朮 去薑 油 陳皮

甘草 炙

當歸身 酒洗 柴胡 升麻 各五分

少加黃柏酒炒以救腎水能瀉陰中

之伏火也紅花三分入心養血

右剉一劑生薑二片大棗一枚水煎

空心服

如汗多去升麻柴胡加酸棗仁炒一

錢夜間不睡亦如之

如頭疼加蔓荊子五分川芎一錢

如善噎者乃廢理不家外邪所搏加

白芷川芎

如腦痛或頭頂疼加蘇本一錢細辛

五分 如口乾或渴加葛根六分

如有痰加貝母前胡各一錢

如泄瀉加白芍煨澤瀉茯苓各一錢

如心胸覺痞悶去黃芪升麻柴胡加

枳實六分薑炒黃連五分

如嗽加桑白皮一錢五味子十粒

如額疼加白芷一錢葛根升麻各五

分 如用心太過神思不寧或怔忡驚悸

加茯神一錢遠志七分酸棗仁炒一

錢石菖蒲七分柏子仁一錢

如飲食少或傷飲食加神麩麥粉山

查枳實各一錢

如心脾二經舌乾口燥加黃連五分

同本

卷之三

山梔仁六分

如胃中濕痰加半夏一錢

如虛火上炎加玄參黃柏密木知

母各一錢

如夢遺加牡蠣龍骨各一錢

如下部無力加牛膝杜仲各一錢

如脚弱加木瓜一錢漢防已五分

如有痰或兼脾胃不和加半夏麥

各一錢

如陰虛內熱有痰或上焦有火加貝

母天花各一錢

如有熱加枳殼八分黃連六分

如血熱壅盛或眼赤加龍膽草八分

如感風寒或頭疼身熱加防風川芎

白芷各一錢羌活七分汗多加黃芩

一錢眼疼加乾菊花熟地黃若身熱

用生地黃

如大病後元氣未復而胸滿氣短者

加橘皮枳實白芍

升陽順氣湯 治因飲食勞役所傷

腹脇滿悶短氣遇春則口淡無味遇

夏雖熱猶寒饑常如飽不喜食冷

黃芪一兩 人參 當歸身

陳皮 神麴 外麻

柴胡 半夏 草豆蔻 各一

黃柏 酒炒 甘草 炙各五分

右剉每劑一兩生薑三片水煎服

按論云脾胃不足之症須用外麻柴

胡苦平味之薄者陰中之陽引脾胃
中清氣行於陽道及諸經生發陰陽
之氣以滋春氣之和也又引黃芪人
參甘草其溫之氣味上行充實滕理
使陽氣得衛外而為固也凡治脾胃
之藥多以升陽補氣名之者也

○升陽益胃湯 治肺及脾胃虛則怠
惰嗜臥四肢不取時值秋燥令行濕
熱少退體重節痛口燥舌乾飲食無
味太便不調小便頻數不欲食食不
消兼見肺病浙浙惡寒慘慘不樂面
色惡而不和乃陽氣不伸故也當升
陽益氣此藥主之

黃芪 一錢 人參 二錢 甘草 一錢

半夏 獨活 防風 白芍 柴胡 卷活

黃連 澤瀉 茯苓 芍藥 白朮 白芍 柴胡 卷活

右剉作二服生薑五片大棗一枚木
煎早飯後溫服○服藥後而小便罷

而病加增劇是不宜利小便當去茯
苓澤瀉○如方喜食一二日不可飽

食恐胃再傷以藥力尚少脾胃之氣
不得轉運升發也須滋胃之食或養

食助其藥力益升陽之氣而滋其胃
氣慎不可淡食以損藥力而助邪氣

之降沉也所以少役形體使胃與藥
得轉運升發積每大勞役使氣復傷

得轉運升發積每大勞役使氣復傷

若脾胃得安，靜尤佳。若胃氣弱，食加果以助藥力。經云：五果為助，是也。

○補氣湯 凡遇勞倦，辛苦用力過多，即服此。一二劑，免生內傷發熱之病。

黃芪 錢半 人參 白朮 陳皮

麥門冬 錢 五味子 甘草 七

右剉一劑，生薑一丸，麩一枚，水煎食。

前服勞倦甚，加熟附子五分。

○補血湯 凡遇勞心，思慮損傷精神，頭眩目昏，心虛氣短，驚悸煩熱，並治。

人參 一錢 川芎 生地

陳皮 梔子 甘草 各

當歸 麥門冬 去 酸棗仁 炒

白茯苓 去 白芍 各 五味子 一錢

右剉一劑，水煎服。

○參耆湯 治脾胃虛弱，元氣不足，四肢沉重，食後昏沉。

黃耆 二錢 人參 青皮 去 各

當歸 黃柏 酒炒 柴胡

升麻 蒼朮 木 甘草 各

神麩 分 右剉一劑，水煎，食遠服。

○參朮調元膏 扶元氣，健脾胃，進飲食，潤肌膚，生精氣，補虛損，回真氣，救危急，活生命，直仙丹也。

雪白朮 一斤，淨去蘆油，煉參四兩，俱

剉成片，入砂鍋內，將淨水十大碗，熬

出，一碗瀘出渣，又熬取汗，二碗去渣。

一

一

一

一

將前汁共一處濾淨文武火熬至一二
碗加蜜半斤再熬至滴水成珠為度
土埋三日取出每日服三四次白米
湯送下○如勞瘵陰虛火動者去入
參

○白雪糕 大米一升糯米一升山藥
炒蓮肉去心芡實各四兩為細末入
白砂糖一斤半攪令勻入籠蒸熟任
意食之其功如前但內傷奔虛勞泄
瀉者宜當飲食之

○參苓白朮丸 治病後元氣虛弱此
藥補助脾胃進美飲食壯健身體充
實四肢清火化痰解鬱養元氣

薏苡仁 炒 蓮肉 去皮 桔梗 去蘆各
二兩

破仁 錢 人參 去蘆 白茯苓 去皮

山藥 炒 陳皮 半夏 湯泡去
姜汁 炒

白扁豆 煨 神麩 炒 香附

黃連 薑汁 當歸 酒洗 黃芪 蜜炙

遠志 甘草 木泡去根 甘草 炙 各
一兩

白朮 去蘆 油土 炒 二兩半

右為末薑棗煎湯打神麩糊為丸如
梧桐子大每服百丸食後白湯送下
忌生冷之物

○補真膏

人參 去蘆 山藥 蒸熟 去皮

芡實 水浸三日去心皮 蓮肉 水浸去
心皮

紅棗 蒸熟去皮核 杏仁 水泡去
皮蒸熟

核桃肉 水浸去皮殼 各一斤

真沉香

三錢別研為末已上與搗爛
六斤用錫盆分作一分起入
盆內滾湯煉蜜如變白糖為
度只有三斤乾淨

行直酥油

和蜜蒸化將前八味和

成處磨極細末入酥油密內攪勻

如膏入新磁罐內以盛一片為度用

紙封固勿令透風每日清晨用白漆

水調服數匙臨臥時又服忌鐵器

大神真元其功不能盡述

雲林潤身丸

治肌瘦怯弱精神短

少飲食不耳此藥服後飽則即饑

則即飽可以常服可以奈饑入服四

肢充實身體肥健滯火化痰開鬱健

解理胃養血和氣宜常服

當歸

酒洗

白朮

去蘆各

陳皮

枳實

香附米

童便

黃連

薑汁

神麴

白芍藥

山查肉

各三

人參

山藥

蓮肉

去心各

甘草

五錢

右為細末荷葉煎湯煮飯為丸如梧

桐子大每服百餘丸米湯送下或酒

送下無所忌勞役之士不可一日無此

藥也

九仙王道糕

尋常用養精神扶元

氣健脾胃進飲食補虛損生肌肉除

濕熱

蓮肉

去皮

山藥

白茯苓

薏苡仁

各四

大麥芽

白扁豆

於實去殼各二兩 柿霜一兩 白糖二十

右為細末入粳米粉五升蒸糕曬乾不拘時任意食之米湯送下

○益氣丸 治語言多損氣懶語補上

益氣

麥門冬去心 人參各三錢 橘皮

桔梗 甘草各五錢 五味子二十粒

右為極細末木浸油餅為丸如鷓鴣

大每服一丸細嚼津唾嚥下油餅和

油燒餅也

大凡大病後穀消水去精散衛亡多致

便利枯竭宜當補中益氣為要蓋脾

為中州澆灌四傍與胃行其津液者

也况大腸主津小腸主液亦皆稟氣

於胃胃氣一充津液自行矣燥甚者

別當以辛潤之以苦泄之

太府木山劉公患因勞役太過發熱增

寒頭疼身痛口乾發渴嘔惡心煩下

醫以羌活湯一醫以藿香正氣散俱

無效愈增酸困手足無處蒼落心慌

神亂晝夜不寐坐臥不安湯水不入

聞藥亦吐余診六脈洪數氣口唇盛

此內傷元氣也以神中益氣湯加遠

志酸棗仁竹茹麥門冬一服即睡熟

半夜而醒曰雲林妙哉藥用當如通

神不知疾之何所去也次早又進一

服全愈 侍御及溪周公患虛損目不敢開閉則

神魂飄蕩無所知覺且不敢言言即
氣不接飲食不思昏沉余診太
氣虛微此元氣虛弱心神虛損也先
以朱砂安神丸一服稍安後以神中
益氣湯倍用參芪加遠志茯神酸棗
仁白芍生地黃麥門冬連進數劑漸
大尋愈

飲食

氣口脈緊盛為傷食食不消化浮滑
而疾

一云五味淡薄令人神爽氣清蓋酸
多傷脾鹹多傷心苦多傷肺甘多傷
腎辛多傷肝尤忌生冷硬物

夫脾胃陰氣也靜則神藏躁則消亡飲

食自倍腸胃乃傷謂食物無務於多
貴在能節所以保和而遂願養也若
貪多務飽飢寒難消徒損精傷以招
疾患蓋食物飽甚耗氣非一或食不
下而上湧嘔吐以耗靈源或飲不消
而作痰咯噎以耗神水大便頻數而
神耗穀氣之化生漫便滑利而濁耗
源泉之浸潤至於精清冷而下瀉汗
淋漓而下洩莫不由食物之過傷茲
味之太厚如能節滿意之食自爽口
之味常不至於飽甚者即頓頓必無
傷物物皆為益精粗變化早晚澁便
按時精華和凝上下津液含蓄神藏
內守榮衛外固邪毒不能犯疾病無

由作故聖人立言垂教為養生之本
經也

傷食者只因多食飲食脾虛運化不及
停於胸腹飽悶惡食不食噯氣作酸
下洩臭屁或腹痛吐瀉重則發熱頭
疼左手關脈平和右手關脈盛是
傷食也初起一吐即寬若鬱久不化
成食積也

脾胃俱實能食而肥過時不饑多食不
傷也

脾胃俱虛不食而瘦與食則減食不與
食則不思饑飽不知也

食少而肥者雖肥則四肢不舉蓋脾因
邪勝也

食多而瘦者胃伏火邪於氣分則能食
雖多食而不能生肌肉也

傷食夾氣感寒者宜消食順氣表寒也
行氣香蘇散 治內傷生冷飲食厚

味堅硬之物肚腹脹滿疼痛外感風
寒濕氣頭疼身熱增寒遍身骨節麻

木疼痛七情惱怒相冲飲食不下心
腹氣痛

紫蘇 陳皮 香附 烏藥

川芎 羌活 枳殼 麩炒 麻黃

甘草 因濕加蒼朮

右到生薑三片水煎溫服○外感風寒
加葱白二根○內傷飲食加山楂神

麩炒

飲食停積痞脹作痛者宜消導也
屬熱積者宜

○枳實大黃湯 治胸腹有食積大便
不通者

枳實 厚朴 去皮 大黃 枳櫛
甘草

右剉一劑水煎空心溫服以利為度
不可再服

○消滯丸 消酒消食消水消氣消痞
消脹消腫消積消痛此藥消而不見
嚮而不動藥本尋常其功甚捷

黑牽牛 煨取頭 香附米 五靈脂
右為細末醋糊為丸如菉豆大每服
二三十丸食後生薑湯下

屬冷積者宜

○內消散 治過食寒硬之物食傷太
陰或嘔吐痞滿脹痛

陳皮 半夏 姜製 白茯苓 土皮
枳實 去穢 山查肉 神麩
砂仁 香附 三稜 義木

乾生薑 右剉一劑水煎溫服
○沉香化滯丸 消積滯化痰飲去惡

沉香 五斤 蓬朮 醋炒 香附
陳皮 各二 木香 砂仁 藿香
麥芽 神麩 甘草 炙各

右為細末酒糊為丸如菉豆大每服
五十丸空心沸湯下

飲食不思病悶者胃寒也

○香砂養胃湯 治脾胃不和不思飲食口不知味痞悶不舒

人參 木香 各五分 白豆蔻 去殼七分

白朮 去蘆 茯苓 去皮 香附 炒 蒼朮 米泔製 厚朴 薑汁炒

砂仁 陳皮 甘草 各八分

右劉劑薑棗煎服 ○脾胃寒加乾薑

官桂 ○肉食不化加山楂草果 ○米

粉麵食不化加神麩麥芽 ○生冷瓜

果不化加檳榔乾薑 ○胸腹飽悶加

枳殼蘿蔔子大腹皮 ○傷食胃口痛

加木香枳實益智 ○傷食泄瀉加乾

薑烏梅白朮 ○傷食惡心嘔吐加藿

香丁香半夏烏梅乾薑

飲食不化到飽者脾虛也

○香砂六君子湯 治脾虛不思飲食食後到飽

人參 砂仁 木香

益智仁 甘草 各五分 香附

白朮 茯苓 去皮 陳皮

半夏 薑製 白豆蔻 厚朴 各一錢

右劉劑薑棗煎服 ○胃口惡寒嘔

吐不止去木香益智加丁香藿香名

藿香安胃湯

飲食自倍者脾胃乃傷也

○香砂平胃散 治傷食

砂仁 七分 香附 陳皮

香砂仁 七分

香附 陳皮

香砂仁 七分

香附 陳皮

香砂仁 七分

蒼木 米泔製各一錢 枳實 麩炒
藿香 各八分 木香 甘草 各五分

右判一劑薑一片水煎服○肉食不
化加山查草果○米粉麵食不化加

神麩麥芽○生冷瓜果不化加乾薑
青皮○飲酒傷者加黃連乾葛烏梅

○吐瀉不止加茯苓白朮半夏烏梅
去枳實

酒者太熱有毒氣味俱陽乃無形之物
也

○葛花解醒湯 治飲酒太過嘔吐痰
逆心神煩亂胸膈痞塞手足戰慄飲
食減少小便不利

白豆蔻 砂仁 葛花 各五錢
木香 五分 青皮 三錢 白茯苓

陳皮 猪苓 人參 各一錢
白朮 神麩 澤瀉

乾生薑 各二錢

右為末和勻每服三錢白湯調下但
得微汗酒病去矣論云此蓋不得已
用之豈可恃賴日飲酒卽是方氣
味辛溫偶因酒病服之則不損元氣
何者敵酒病故也若頻服之損人天

年也

○神仙不醉丹

白葛花 白茯苓 去皮 小豆花
葛根 天門冬 去心 木香
確砂仁 人參 去蘆 牡丹皮

官桂

枸杞子

陳皮

海鹽

甘草

右為細末煉蜜為丸如彈子大每服一丸細嚼熱酒送下一丸可飲酒十盞

調理脾胃者醫中之王道也

○太和丸 治元氣脾胃虛損不思飲食肌體羸瘦四肢無力面色萎黃專補氣生血健脾胃開胸快膈清鬱

化痰消食順氣平和調理之劑

人參 去蘆 木香 各五 白朮 去蘆土 炒四兩

半夏 麩二兩 陳皮 黃連 薑汁 炒

山查 蒸孝子 白茯苓 去 白芍 酒炒

神麩 炒 麥芽 兩半 枳實 炭炒

香附 龍便 當歸 酒洗各二兩 大枳殼 錢

龍眼肉 白豆蔻 去殼各一兩 二錢

右為末荷葉一箇煎湯打舍米糊為

丸如梧桐子大每服百丸不拘時米湯下

一人患因房勞後吃紅柿十數枚又飲凉水數碗頃又食熱麵數碗即心腹大痛予診六脈沉微而氣口稍大

此寒熱相搏而致也以附子乾薑肉桂枳實山查神麩我木香附一服立

止後渾身發熱又以小柴胡湯一劑而安

一人臘月踏食羊肉數斤被辛肉冷油

凍住堵塞在胸膈不下脹悶而死諸

症

症

症

症

症

症

醫聖射予見六脈俱有用黃酒
鑊溫熱入太缸內冷患人坐於中
手輕擊亂拍胸腹背心冷一人吹其
耳及將熱燒酒灌之次服萬億丸得
吐瀉而愈

鬱證
多沉伏

鬱症者鬱結而不散也人之氣血冲和
百病不生一有鬱結諸病生焉

五鬱者金木水火土洩折達發奪之義
是也

六鬱者氣血痰濕熱食結聚而不得發
越也

氣鬱者腹脇脹滿刺痛不舒脈沉也

○木香調氣散 治氣鬱症

- 木香 別研 砂仁 各五分 香附
- 枳殼 麩炒 青皮 夫穰 厚朴 薑炒
- 陳皮 撫芎 烏藥
- 蒼朮 米泔浸 官桂 甘草 各三分
- 右銼下剉生薑二片水煎磨小香同服

血鬱者能食便紅或暴吐紫血痛不移
處脈數濇也

○當歸活血湯 治血鬱症

- 當歸 芍藥 撫芎 桃仁 各一錢
- 牡丹皮 紅花 五香附
- 烏藥 枳殼 去穰 青皮 各八分
- 官桂 乾薑 黑 甘草 各三分

右側一劑生薑一片水煎服○血結
硬痛加大黃

食鬱者愛氣作酸胸腹飽悶作痛惡食
不思右關脈緊盛也

○香砂平胃散 治食鬱症

蒼朮 厚朴 陳皮

香附 枳殼 砂仁

山查 麥芽 神麩

乾薑 木香 甘草

右側一劑生薑三片蘿蔔子一撮水
煎磨木香同服○食鬱久成塊去乾
薑加大黃

○一方治食鬱久胃脘有瘀血作痛用

生桃仁連皮細嚼以生韭菜搗自然
汁下七盞送下大能開提氣血

痰鬱者動則喘滿氣急咳嗽不出胸脇
痛脈沉滑也

○瓜蒌枳實湯 治痰鬱症

瓜蒌 枳實 桔梗 撫芎

蒼朮 香附 杏仁

片黃芩 貝母 陳皮

砂仁 木香 甘草

右側一劑生薑三片水煎入竹瀝薑
汁少許磨木香調服

熱鬱者即火鬱也小便赤澀五心煩熱
口苦舌乾脈數也

○火鬱湯 治火鬱症

山梔 柴胡 乾葛 撫芎

白芍 連翹 地骨皮 甘草

右劉一劑水煎服

濕鬱者周身骨節走注疼痛遇陰雨即發脈沉細而濡也

○參濕湯 亦見濕門

六鬱越鞠者解諸鬱之總司也

○六鬱湯 解諸鬱清火化痰順氣開

胸膈

香附 雙 蒼木 神麩 連翹

山梔 陳皮 貝母 川芎

枳殼 蘇梗 茯苓 甘草

右劉一劑水煎服

有痰加南星半夏○有熱加柴胡黃

芩○血鬱加桃仁紅花○濕加白朮

羌活○氣加木香檳榔○食積加山

查砂仁

○越鞠丸 解諸鬱火化痰氣開胸膈

神麩 香附 龍黃 蒼木 米泔

川芎 山梔 等分

右為細末水丸菴豆大每服五六十

丸空心溫水送下

補遺方

○解鬱調胃湯 治胃脘血液耗損痰

火內鬱水漿易下而食物難消若噎

膈之症或氣分之火壅遏於中而特

作刺痛者皆由怒憂思慮勞心所致

也

白朮 陳皮 白茯苓 去皮

白朮 陳皮 白茯苓 去皮

川芎六分 赤芍 香附米

生地黄 酒洗 各八分 神麩

麥芽七分 梳子仁 歸尾 酒洗 各

桃仁 生甘草 各四分

右剉一劑 生薑二片 水煎熱服 ○若

胸膈刺痛 加薑黃酒炒八分 ○若胸

噎悶 加枳殼 麩炒七分 胸內煩熱 加

黃連六分 大便不利 加酒蒸大黃一

錢二分 有痰 加半夏薑汁炒八分 去

地黃 若飲食不美 亦去地黃 加白朮

五分 嘔吐 加藿香 錢去地黃 川芎

桃仁

中節 ○又脈多滑 有弦滑 沉滑 微滑

火痰 黑色老痰 膠痰 白色寒痰 清

王隱君曰 痰之為病 難明 或頭運目眩

耳鳴 或口眼 蠕動 眉稜 骨痛 耳輪 俱

癢 或四肢 遊風 腫硬 或齒浮 而痛 癢

或噫氣 吞酸 心下 嘈雜 或痛 或噦 或

咽 噓 不利 咯之 不出 嚔之 不下 其痰

似墨 有如 破絮 桃膠 蠅肉 之狀 或心

下 如停水 心氣 冷痛 或夢寐 前怪 之

狀 或足 跖酸 軟 或腰 腎骨 節卒 痛 或

四肢 筋骨 疼痛 或手足 麻痺 臂痛 狀

若風濕 或春上 每日 一條 如線 紅起

或渾身 骨節 如臥 芒刺 或眼粘 澀癢

口禁 喉痺 或繞項 結核 或胸腹 間如

有二氣結經噴嚏塞煩悶或失志顛狂
中風癱瘓或風毒脚氣或心下怔忡
如畏人捕或喘嗽嘔吐或吐冷涎綠
水黑汗甚為肺癰瘍毒或惡心痞膈
泄瀉寒熱便膿或胸間轉響有聲或
背心一粟常如木冷皆痰所致耳病
中多有兼痰者世所不知也諸病以
化痰為先善治痰者兼治氣氣順則
痰利痰膩浮滑者宜降浮實者宜吐
沉小者不宜吐恐虛故也凡治痰症
不可全用利藥過使脾氣虛弱則痰
反易生而多若脾虛生痰者用健脾
燥濕便要利補兼用陳皮白朮為佐
也痰乃機滯之物宜吐不宜瀉則反

加別症矣

咳者屬濕乃津液所化也

○二陳湯 治一切痰飲化為百病此

藥主之

陳皮 去白 半夏 薑製 白茯苓 去皮

甘草 右剉一劑生薑三片木煎服

咳嗽白痰者肺感風寒也 以後諸痰為

病悉依前方加

風痰加南星桔梗防風枳實○寒痰

加乾薑官桂

食積痰者多飲食鬱久成痰也 小兒

多有此症

加山查神麩香附

咳嗽線痰者脾胃有濕也

加蒼木白木山藥砂仁

痰氣者胸膈有痰氣脹痛也痰在胸膈

紫有知梅核吐之不出燕之不下或

赤或降寒不遇亦痰氣也後成癆

加砂仁香附瓜蒌枳實蘇子桔梗當

歸貝母去半夏

痰飲者痰在胸膈間痛而有聲也痰飲

血結成癥

加蒼木瓜蒌枳實木香砂仁當歸川

芎香附青皮白芥子治痰飲極効

痰涎症者渾身胸背脇痛不可忍也引

鉤痛手足冷痺是痰涎在心膈也

加白芥子砂仁木香茴香香附枳實

當歸酒炒黃芩

濕痰流注者渾身有腫塊也凡人骨體

寒熱都是濕痰流注經絡也

加瓜蒌枳殼蒼木酒炙羌活防風連

翹當歸香附砂仁木香紅花竹瀝薑

汁少許有熱加柴胡上痛加川芎白

芷下痛加黃柏牛膝塊痛加乳香沒

藥頸項痛加威靈仙腫塊痛外用五

倍子朴硝大黃南星四味為細末醋

調敷腫塊上漸漸自消不散則成膿

矣

痰核者渾身上下結核不散也或發腫

痰塊也大凡治痰塊流注結

核俱與濕痰流注同治法

俱加皂刺引藥至毒所濕痰加蒼木

白木砂仁香附枳殼桔梗熱痰加黃

芬山桅貝母枳實桔梗麥門冬竹捲
去半夏痰火加炒黃連竹瀝貝母去
半夏

痰喘者咳嗽氣逆發痰喘也

加礞石酒痰加枳黃連礞石乾葛烏

梅桔梗貝母去半夏

項背骨節疼痛者皆是痰氣風熱也

若痰加枳實瓜蒌海石連翹香附黃

芩桔梗去半夏

咳嗽咯吐黃痰者脾胃有熱也久不愈成肺癆

加瓜蒌枳實桔梗片芬山桅天門冬

桑白皮杏仁蘇子竹瀝

咯吐黑痰成塊者勞傷心腎也

皆是久鬱老痰同治法

脾虛生痰加白朮人參白芍枳實礞石

桔梗

痰喘氣急加蘇子礞石木香茴香白芥

子瓜蒌枳實酒炒桔梗蒼活蒼木當

歸竹瀝川芎薑汁少許去半夏

痰症發熱咳嗽生痰加片苓麥門冬五

味子貝母知母桑白皮當歸桔梗竹

瀝薑汁少許去半夏

如飲酒嘔噦吐痰加礞石烏梅

前二陳湯加減止此

不能言語者痰迷心竅也

咯痰不出者是痰結也

胸膈有痰不化元氣虛弱津液乾燥咯

難得出喘嗽身熱痛難轉側者是痰結也

脇下有痰作寒熱咳嗽氣急作痛者亦痰結也

喉中漉漉有聲喘急咯痰不出者難治也

氣鬱發喘不得睡者難治也

服藥後若咯吐痰出為效若咯痰不出者亦難治也 已上七條俱宜後方

○瓜蒌枳實湯 治痰結咯吐不出胸膈作痛不能轉側或痰結胸膈滿悶

作寒熱氣急并痰迷心竅不能言語者並皆治之

瓜蒌 去殼 枳實 麩炒 桔梗 去蘆

茯苓 去皮 貝母 去心 陳皮

片苓 去粉 山梔 各一 當歸 六分

砂仁 木香 各五 甘草 三分

右剉一劑生薑煎入竹瀝薑汁少許

同服○痰迷心竅不能言語加石膏

蒲去木香○氣喘加桑白皮蘇子外

用薑渣揉擦痛處

痰燥者痰火作熱煩燥也

痰話者痰火作熱驚湯不安錯語失神

者也

痰迷心竅神不守舍因憂思鬱結驚恐

傷心 心不自安神出舍空使人煩亂

悲歌 嘔罵奔走不識人也 俱宜後方

○加減溫膽湯 治痰燥痰話驚惕失

志神不守舍

茯神去皮 半夏薑汁製 陳皮

枳實麩炒 山梔炒 白木去蘆

黃連薑汁 當歸 酸棗仁炒

麥門冬去心 竹茹各八分 人參六分

竹瀝半盞 甘草二分 辰砂五分爲末

右劉薑棗烏梅前調辰砂末溫服

千般怪症者多兼痰火也

○滾痰丸

大黃酒拌蒸 黃芩去新 沉香五錢

金星礞石一兩 礞石碎 礞石碎 礞石碎

右爲細末水丸如菉豆大每服三五

下丸量虛實加減服之各隨引子送

下一切失心喪志或癲或狂等症每

服百丸人壯盛氣實能飲食在甚者

二百二十九丸已上至三百丸以効

爲度

一切中風癱瘓痰涎壅塞大便或通或

閉者每服八九十九丸人壯氣實者一

百丸常服二三十丸無大便秘不利之

患自然上清下潤之妙

一切陽症風毒脚氣遍身遊走疼痛每

服八九十九丸未効更加十丸

一切走刺氣痛每服八九十九丸未効再

加十丸

一切無病之人遍身筋骨平日疼痛不

能名狀者每服八九十九丸以効爲度

一切頭痛非頭風症牙疼或浮或癢非風疰牙疼者每服八九十九

一切噎氣吞酸至於噎逆呃氣及胸閉或從胸中氣塊冲上嘔吐涎飲狀如

翻胃者每服八九十九未効再服一切心下怔忡如畏人捕林場不安陰

陽關格變生斑症每服八九十九一切失饑傷飽憂思過慮至於心下嘈雜或嘔或噦晝夜飲食無度或只虛

飽腹中稍饑並不喜食每服八九十九

一新久痰氣喘嗽或嘔吐涎沫或痰結實執或頭目眩暈每服八九十九虛

老羸瘦者五六十丸未効再加十九

一切急慢喉閉赤眼每服八九十九願領腫硬連項結核若瘰癧者正宜服

之若年深多次服之口糜舌爛咽喉生瘡者每服五六十丸同蜜少許口

嚼碎嚼膳徐徐嚥下些小口瘡如此噙三四夜即瘥也

一切遍身無故遊走疼痛或腫或癢或無常處痛無所定不腫在一處及酸軟沉滯者每服八九十九量大小輕

重加減服之

一切心氣疼痛如停米塊或動身散入腹中絞痛上攻頭面腫硬遍身四肢

去處腫起軟浮或痛或癢或穿或不穿或穿而復閉或消或長漸成篤疾

皆繫瘵毒內攻或使爛痰臭或作腸
癰內疽服之打下惡物口淺膿近者
尅自全安

一切男婦久患心咳下連小腹面黃羸
瘦痛陣日發必嘔綠水黑汁冷涎乃
致氣絕心下溫煖者每服八九十九
立見生意然後陸續服之以瘥爲度
兼服生津化痰溫中理氣之藥惟豁
痰湯加減爲妙

一切痢疾不問雜色或帶血塊惡物者
不問曾經推換但是新久不已者或
熱或不進飲食每服八九十九次日
執退再進三二九即服止痢藥萬
無一失若兼寒熱痰涎者並煎散

一切花柳之疾日久男婦之患非傷寒
內外之症或酒色吐血或月水過期
心煩志亂或腹脹脇痛勞痛耳聾鼻
塞骨節酸疼乾嘔噦惡心百藥無効
病者不能喻其狀方書未嘗載其疾
醫者不能辨其症益依前法加減服
之無不効之理也

大凡服藥必須臨睡臥床之時用熱水
一口只送過咽喉即便仰臥令藥在
咽喉之間徐徐而下多半日不可飲
食湯水及不可起身行坐言語直候
藥丸徐徐上焦痰滯惡物過膈入腹
然後動作方能中病每次須當連進
兩夜先夜所服次日痰物既下三五

次者次夜減十九上兩次者仍服前
 數下五七次或只二三次而病勢頓
 已者次夜減二十九頭夜所服並不
 下惡物者次夜加十九壯人病實者
 多至百九惟狂疾勁實及暴卒惡候
 多服無効其或服罷臥倒咽喉閉
 壅塞不利者乃痰氣從上藥病相攻
 之故也少頃藥力既勝自然寧貼又
 或百中有一稍稍腹疼腰背拘急者
 蓋有一種惡痰惡物滯滯閉氣消腸
 裏急後重者狀如痢積疴餉即已若
 痰涎易下者其為快利不可勝言頓
 然滿口生津百竅爽快間有片時倦
 怠者蓋連日病苦不安一時為藥所
 勝肌體變和知醉得醒如浴方出如
 睡初起即非虛倦此藥並不同池刮
 腸人瀉但能取痰積惡物自腸胃未
 窮奔鑿而下腹中嘈雜並不相傷惟
 下部腫腸之糞乃藥力不到之處是
 故先去其餘餘不備述耳

○竹瀝化痰丸 上可取上之濕痰下
 可取腸胃之積痰一名導痰小胃丹

- 南星 半夏 陳皮 枳實 白木
- 蒼朮 桃仁 杏仁 紅花 白芥子
- 大戟 長流水 時晒乾 芫花 醋拌濕透

甘遂 麩製過 黃柏 各一兩
大黃 以酒煨一兩半

右為末薑汁竹瀝打蒸餅糊為丸如
菜豆大每服一二九極甚者五七
十九丸量入虛實加減再不可多恐傷
胃氣也

一切痰飲臨臥時白湯下一時一服最
能化痰化痞化積治中風喉痺極有
神效

一 中風不語癱瘓初起用濃薑湯送下
三五丸少時即能說話
頭風頭痛多是濕痰上攻臨臥時薑
湯下一二丸

一 眩暈多屬痰火食後薑湯下一二丸
九然後以二陳湯加柴胡黃芩
蒼朮白芷倍川芎熟多加石膏知母
痰痞積塊臨臥白湯送下二九一
日一服雖數十年只五七服見效

一 哮喘乃痰火在膈上臨臥薑湯下一
十五丸每夜服一次久服自效
一 喉痺腫痛食後白湯送下

調理痰火之疾者宜消補兼濟也
清氣化痰丸 化痰順氣開鬱清火
寧嗽定喘妙不可言

白朮 不油者 白茯苓 去皮
橘紅 薑水洗 半夏 薑汁浸炒
桔梗 去蘆 貝母 去心
瓜蒌 去殼微 杏仁 尖微炒

片冬 酒煉 天門冬 水泡 去心
 香附米 鹽水浸 黃連 去毛 薑汁炒
 枳實 去穢 連翹 去穢
 山查肉 蒸去核 皂角 火炮去皮 磁子 熬膏
 蘇子 微炒 海石 別研各一兩
 青黛 四錢

右為細末用神麴行歷打糊為丸如
 梧桐子大每服五十丸食後白湯下
 清茶亦可

○千金化痰丸 健脾胃清火化痰
 頑痰能軟結痰能開疎風養血清上
 焦之火除胸膈之痰清頭目止眩暈
 如神

膽星 天麻星 半夏 薑汁炒 各四兩

陳皮 去白 白茯苓 去皮
 白木 水煎 片芩 酒炒 防風 去蘆
 海石 火煨 白附子 根各二兩
 當歸 酒洗 知母 酒炒 黃柏 酒炒
 枳實 去穢 天花粉 各一兩
 大麻 火煨 大黃 酒拌蒸九
 甘草 生三 氣虛加人參 八錢
 右為細末神麴二兩打糊為丸如梧
 桐子大每服六七十丸清茶任下
 ○法製半夏 化痰如神若不信將半
 夏七八粒研入痰碗內化為清水有
 痰疾中風不語研七八粒用井花水
 送下以手摩運腹上二炷香時即醒
 能言

用大半夏一斤石灰一斤滾水七碗
 入盆內攪晾冷澄清去滓將半夏入
 盆內手攪之日曬夜露一七日足撈
 出井花水洗淨三四次泡三日每日
 換水三次撈起控乾用白礬八兩皮
 硝一斤滾水七八碗將礬硝共入盆
 內攪晾溫將半夏入內浸七日日曬
 夜露日足取出清水洗三四次泡三
 日每日換水二次日足取出控乾入
 藥

- 沉香 一錢
- 肉桂
- 木香
- 川芎
- 枳實
- 白豆蔻 各三錢
- 陳皮
- 枳殼
- 青皮
- 丁香
- 五味子
- 砂仁 各五錢

南薄荷 甘草 各四兩

右共十四味切片滾水十五碗量溫
 將半夏同藥共入盆內泡二七日曬
 夜露攪之日足取出藥與半夏用白
 布包住放在熱坑用器皿扣住三性
 香時藥與半夏分胎半夏乾投用有
 痰火者服之一日大便出似魚膠一
 宿盡除痰根永不生也○按右諸方
 皆治壯人痰火有餘之症宜服之若
 虛人痰火宜照後論治
 若脾肺氣虛不能運化而有痰者
 宜六君子湯加枳椏方見補益

若因脾經氣滯而痰中有血者宜加
朱歸脾湯方見補益

若因肝經血熱而痰中有血者宜加
朱逍遙散方見婦人虛等

若因肝腎陰虛而痰中有血者宜六味地
黃丸方見補益

若過服寒涼之劑而唾痰有血者必用
四君子湯之類以去之方見補益

若中氣虛而痰甚者用補中益氣湯
加茯苓半夏如
味應加一味薑汁尤好

○滌痰散 此藥清肺消痰定嗽解酒
毒除一切痰火

廣陳皮先用白水洗淨每十斤入食
鹽四兩同入水浸過一宿鏝內煮乾

零去筋膜切作小片炒乾每陳皮一
兩入粉草二錢共為末每日早晚各
二匙白湯調下

一儒者體肥仲夏患痰喘用二陳苓連
桔梗痰喘益甚加桑皮杏仁瓜薑盜

汗氣促加其母枳殼不時發熱飲食
漸減血大而無力余以為脾肺虛寒

八味丸以補土母用神中益氣湯以
接中氣而愈

一男子飲食素少忽痰壅氣喘頭搖目
劄揚手擲足難以候視其面色黃

中見青此肝木乘脾土如小兒慢驚
之症先用六君子柴胡升麻而安更

補中益氣湯加半夏而痊

張秋官面赤作渴痰盛頭暈此腎虛水
泛為痰用六味丸而愈

咳嗽

咳嗽所因浮風緊寒數熱細濕房勞
瀦難右關微瀦飲食傷脾左關弦短
肝極勞疲肺脈浮短咳嗽與期五臟
之嗽各視本部浮緊虛寒沉數實執
洪滑多痰弦瀦少血形盛脈細不足
以息沉小伏匿皆是危脈惟有浮大
而嗽者生

春是上升之氣夏是火炎上最重秋是
濕執傷肺冬是風寒外涼

四時感冒一切咳嗽發熱吐痰者宜發
散風邪也

○參蘇飲 治四時感冒發熱頭疼咳
嗽聲重涕唾稠粘中滿嘔吐痰水寬
中快膈小致傷脾此藥大解肌執將
欲成發痰咳喘熱最効

紫蘇 桔梗 枳殼

陳皮 半夏 茯苓 各一

乾葛 前胡 各二 人參

甘草 各七 木香 五分 氣盛者去之

右劉一劑生薑棗子煎後溫服

若天寒感冒惡寒無汗咳嗽喘促或
傷風無汗鼻塞聲重咳嗽加麻黃

二錢去皮杏仁一錢金沸草一錢以

汗散之○若初感冒肺多有熱加杏

仁黃本桑白皮烏梅○肺寒咳嗽加

五味子乾薑○心下痞悶或胸中煩
熱或停酒不散或憎雜惡心加黃連
枳實各一錢乾葛陳皮倍用之胸
滿痰多加瓜蒌仁一錢○氣促喘嗽
加知母貝母○鼻衄加烏梅麥門冬
白茅根○心盛發熱加柴胡黃芩○
頭痛加川芎細辛○咳嗽吐血加升
麻牡丹皮生地黃○勞熱咳嗽久不
愈加知母貝母麥門冬○見血加阿
膠生地黃烏梅赤芍藥牡丹皮○吐
血痰嗽加四物湯名茯苓補心湯○
妊娠傷寒去半夏加香附
感冒風寒嗽而聲啞者是寒包熱也
與久嗽聲啞不同

冷風嗽者遇風冷即發痰多喘嗽是也
以上一條俱宜後方

○三拗湯 治感冒風邪寒冷鼻塞聲
重語音不出咳嗽多痰胸滿短氣喘
急

甘草 生 麻黃不去節 杏仁各二錢
加荆芥桔梗各立拗湯
右剉劑生薑煎服

痰嗽者嗽動便有痰聲痰出嗽止是也
嗽而痰多者是脾虛也
肺脹嗽者嗽則喘滿氣急也
喘急不得眠者難治

久嗽不止成勞性若久嗽聲啞或喉生
瘡者是火傷肺金也
俱難治之若氣
血衰脫聲啞失

音者亦難治也已上三條俱宜後方

○清肺湯 治一切咳嗽上焦痰盛

黃芩去粉心 桔梗去蘆 茯苓去皮

陳皮去白 貝母去心 桑白皮各一錢

當歸 山梔 天門冬去心

杏仁去皮 麥門冬去心 各七分

五味子七粒 甘草三分

右劉涓子薑棗子煎食後服○痰咯

不出加瓜蒌根實朴瀝去五味子○

咳嗽喘急加蘇子竹瀝去桔梗○痰

火咳嗽面赤身熱咯出紅痰加芍藥

生地黃紫苑阿膠竹瀝去五味杏仁

貝母桔梗○久嗽虛汗多者加白朮

芍藥生地黃去桔梗貝母杏仁○久

嗽喉痛聲不清者加薄荷生地紫苑

竹瀝去貝母杏仁五味○嗽而痰多

者加白朮金沸草去桔梗黃芩杏仁

○咳嗽身熱加柴胡○咳嗽午後至

晚發熱者加知母黃柏生地芍藥竹

瀝去黃芩杏仁○咳嗽痰結胸膈痛者

加白芥子瓜蒌根實礞石木香小茴

竹瀝薑汁少許去貝母杏仁山梔亦

加柴胡引經

食積嗽者痰嗽如膠也

咳嗽胸膈結痛者是痰結也

早晨嗽者胃中有食積也

上半日嗽多者胃中有伏火也

已上四條俱宜後方

○瓜蒌根實湯加減 方見痰飲
午後至夜嗽多者屬陰虛也 黃昏嗽多者水氣浮

火嗽者有聲痰少面赤身熱脈數者是也

乾咳嗽無痰者是痰鬱火邪在肺難治也

勞嗽者盜汗痰多作寒熱脈數大無力是也 以上四者皆是勞力酒色內傷或憂思鬱結陰虛火動而嗽者俱宜後方

○滋陰降火湯 方見虛快

一切久嗽不止者宜後方

○呂洞賓仙傳蘆吸散 治新久咳嗽

百藥無功服此立効

效驗花蕊 鴉管石

陳皮 各二錢 異本有耳州

年老者及虛者加人參 五分

冬月加肉桂 一錢五分

右忌鐵器為細末和勻分作七帖作

七日服每服一帖夜仰臥將藥一帖

作三次入竹筒內病者口噙竹筒近

咽喉用力一吸將白溫水一口送下

不可多吃水忌諸般油膩鹽一七日

藥完後亦少用此油鹽至半月後不

息

○吸藥仙丹

鴉管石 二兩 寒木石 四錢
金星礞石 七錢 硝磺 煨
後用醋淬 白附子

欵冬花 淨盡各七錢 白礬 七錢 枯過 四錢半

孩兒茶 枳殼 各四錢

右各為末研令極細和過方用總羅

過羅肉○如有氣加沉香五分木香

七分官桂七分○如心下虛悸加朱

砂二分○熱嗽用茶湯下○寒用薑

湯下○效如浮腫用木瓜牛膝湯下

○效而有紅痰吐血白芥子湯下

歌曰

仙方二兩鴉管石 青礬白附欵冬花

三味各秤七錢重 四錢甘草與兒茶

枯礬寒水四錢半 八味精研製真差

日進六分三次咳 寒用薑湯執用茶

虛加五分沉木桂 效而驚悸用硃砂

薄荷煎湯潮執便 化痰止咳最為佳

○鷄鳴丸 治男婦不問老少十八般

咳嗽吐血諸虛等疾如神

從來咳嗽十八般 只因邪氣入於肝

胸膈咳嗽多加喘 胃嗽膈上有痰涎

大腸咳嗽三焦熱 小腸咳嗽舌上乾

傷風咳嗽喉多癢 膽嗽夜間不得安

肝風嗽時喉多痺 三因嗽時船上難

氣嗽夜間多沉重 肺嗽痰多帶嗽難

熱嗽多血連心痛 膀胱嗽時氣多寒

暴嗽日間多出汗 傷寒嗽時冷痰酸

此是神仙真妙訣 用心求取鷄鳴丸

知母 枳殼 阿膠 麩炒 欵冬花

五味子 各四錢 桔梗 去蘆 人參 各五錢

陳皮去白 馬兜鈴 麻黃

旋覆花 甘草各一兩 杏仁去尖

葶藶紙 半夏 薑汁炒 各二錢

右共為細末煉蜜為丸彈子大每服

一丸五更鳥梅生薑棗子湯下

大抵久嗽者多屬腎氣虧損火炎木涸

或津液瀉而為痰者乃真臟為患也

須用六味地黃丸壯腎水滋化源為

主以補中益氣湯養脾土生肺腎為

衛久之自愈方見補益

補遺方

治咳嗽肺痿吐血氣喘等症用猪肺一

箇倒懸滴盡血水又用大蘿蔔十箇

搗爛用新砂鍋一箇水五碗煮前蘿

蔔爛瀝去渣添蜜四兩鷄子清十箇

不用黃與蜜攪勻却裝入肺內又用

款冬花五味子柯子去核各一錢白

礬五分俱為末通攪蜜入鷄清內入

肺管煮熟空心服之如神

又方猪肺一箇洗淨血水若病人每歲

用杏仁一箇去皮尖將肺以竹片簽

眼每眼入杏仁一箇麻扎往安磁器

內重湯煮熟去杏仁不用只吃此肺

輕者只用一具而已重者製二具吃

全安

○加味上清丸 治咳嗽煩熱清聲潤

肺寬膈化痰生津止渴爽氣寧神

烏梅肉 寒水石 玄明粉

礞石各五錢 米片 南薄荷葉

柿霜各四兩 白糖八兩

右為細末甘草水熬膏為丸如芡實

大每一丸噙化茶湯送下

杏仁煎 治老人久患喘嗽不已睡

臥不得者服之立効

杏仁 水泡去皮 胡桃仁 去皮各等分

右二味共碾為膏入煉蜜少許為丸

如彈子大每服一丸細嚼薑湯下

○治痰火咳嗽 兼治酒痔

白礬 一兩煨過 礞石灰 一兩半

右研少每服一錢或茶或滾水酒亦

可如作丸用灰麵一兩和合冷水為

丸如梧子大每服三五丸前引下

○清上噙化丸 清火化痰止咳定喘

瓜蒌霜 天門冬 橘紅

枯茶 去酒炒 海石 煨 柿霜 各一兩

桔梗 去蘆 連翹 玄參

青黛 各五錢 風化硝 三錢

右為細末煉蜜為丸如龍眼大食遠

噙化

周藩海陽王崑湖公患痰嗽喘熱左足

腫痛日輕夜重每年發一二次已經

三十年遍治弗効予診左脉微數右

脈弦數此血虛有濕痰也以四物湯

加蒼朮黃柏木瓜檳榔木通澤瀉空

心服以治下元以茯苓補心湯臨臥

服以治上焦各三服而愈後以神仙

飛步丸空心配清氣化痰丸臨臥服
各一料永不再發

一儒者每至春咳嗽用參蘇飲之類乃
愈後復發仍用前藥反喉暗左尺洪
數而無方余以為腎經陰火刑剋肺
金以六味丸料加麥門五味炒山梔
兼補中益氣湯而愈

喘急

喘急血沉肺脹停水氣逆填胸必
伏取沉而實滑身温易愈身冷血浮
尺瀦難補又云血滑而手足温者生
血沉瀦而四肢寒者死
喘者為惡候因火所鬱而痰在肺胃也
痰喘者喘動便有痰聲也 宜後方

○瓜蒌枳實湯

治痰喘方見痰症

火喘者乍進乍退得食則減止食則喘
也 宜後方

○清肺湯

治火喘

片黃芩 一錢 山梔子

枳實

桑白皮

陳皮

白茯苓 去

杏仁 去皮

蘇子

麥門冬 去

貝母 去心各

沉香 磨末

辰砂 研末

二味臨服調入各五分

右剉一劑薑一片水煎入竹瀝同服
氣短而喘者呼吸短促而無痰聲也

○四君子湯

治短氣

人參 去蘆

甘草 一錢

白朮 去蘆

一錢三分

茯苓 去皮

陳皮

厚朴

薑汁炒

礞石 蘇子 桑白皮 各六分
當歸 八分 沉香 木香 各五分
別磨水

右剉一劑薑一片棗二枚水煎磨沉香調服

陰虛火動而喘者心脈數也

○滋陰降火湯 方見虛症 依本方加蘇子沉香杏仁桑白皮竹瀝

寒喘者四肢逆冷脈沉細也

○理中湯 治寒喘

礞石 蘇子 乾薑 陳皮

厚朴 薑汁 官桂

甘草 炙各一錢 沉香 木香 各五分 水磨人

右剉一劑薑三片水煎磨沉香同服

○若脈細手足冷加附子

傷寒喘急者宜發表也

○五虎湯 治傷寒喘急

杏仁 去皮尖炒 麻黃 各三錢 石膏 五錢

甘草 一錢 細茶 一撮 加桑皮 一錢

有痰加和一二陳湯

右剉一劑生薑三片葱白三根煎熟

服○治虛喘急先用五虎湯表散後

用小青龍湯加杏仁

虛陽上攻喘急者宜降痰氣也

○蘇子降氣湯 治虛陽上攻氣不升

降上盛下虛痰涎壅盛喘促短氣咳嗽

蘇子 五錢 陳皮 厚朴 薑汁 炒

前胡 肉桂 各二錢 半夏 薑汁 浸炒

當歸 甘草一方去桂加南星

右劉一劑薑三片棗一枚水煎服○

若加川芎細辛茯苓桔梗名大降氣

湯

定西侯蔣公患上氣喘急其脈寸口洪

滑此痰滯胸膈也余令先服稀涎散

二錢更以熱水頻飲之則溢而吐

其痰如膠內有一長條墨韭葉一根

遂愈

一路姓者年近五十身體肥大飲食倍

常患月餘每行動即喘求余診六脈

微濡予曰此死症也衆皆以予為妄

後逾月果中痰而卒



專生於痰宜用吐法亦有虛而不可吐

者治哮喘必使薄滋味不可純用涼藥

必兼發散

哮喘者肺竅中有痰氣也

○五虎二陳湯 治哮喘喘急痰盛

陳皮 半夏 茯苓 去皮

杏仁 麻黃 錢各一 石膏 二錢

人參 八分 細茶 一撮 沉香

木香 各五分 別水磨入

右劉一劑生薑三片葱白三根水煎

服

○定喘湯 治哮喘喘急

麻黃 三錢 杏仁 去皮尖 片苓 去朽

半夏 薑製 桑皮 蜜炙 蘇子 水洗 去土

嗽於花蓋各三錢

甘草一錢

白果二十箇去殼切碎炒黃

右判二劑水煎服

○紫金丹

凡遇天氣欲作雨便發

喘甚至坐臥不得飲食不進此乃肺

竅中積有冷痰乘天陰寒氣從皆口

鼻而入則肺脹作聲此病有苦至終

身者亦有子母相傳者每發即服不

過七八次覺痰腥臭吐出白色是絕

其根也

白砒一錢生用 枯礬三錢別研

淡豆豉出江蘇者一兩水潤土食蒸

右搥作丸如菘豆大但覺舉發用冷

茶送下七丸甚者九丸以不喘為愈

再不必多贈丸事慎之慎之小兒服

一二丸殊効

○竹瀝化痰丸

治哮喘下數坐不愈

宜久服之奏効

○三白丸

治諸般咳嗽乳氣

白大半夏一兩生用 白砒

白礬 雄黃通明者 巴豆仁去油各

右將白礬溶化入砒末在礬內焙乾

取出搗爛再炒成砂同前藥為細末

麵糊為丸如粟米大大人服十丸小

兒三五丸咳嗽茶下乳氣桑白皮湯

下

治哮喘積方

用鷄子一箇略敲碎損膜不損浸炭

釘內三四日取出煮熟食之神効
蓋鷄子能去風痰

○青金丹 治哮喘用厚味發者用之

蘿蔔子淘淨蒸熟曬乾為末薑汁浸

蒸餅為細末每服三十粒津下

新刊萬病回春卷之二終

